

San Marcos

*João masare bautisariro buhe dꞩcaha
(Mt 3.1-12; Lc 3.1-9, 15-17; Jn 1.19-28)*

¹ Ahri tjui Jesucristo Cohamacꞩ macꞩno to yoaare noaa buheare yahu dꞩcaja.

² Cohamacꞩ yare yahu mꞩhtariro cjiro Isaia to joariro seheta ahri yahua jira. Õ sehe ni joaha tiro: “Cohamacꞩ to macꞩnore ò sehe niha: ‘Mꞩ pano mꞩhꞩre yahuyuhtirore warocai nija.

³ ã jiro tiro masa marienopꞩ waharohca. Tirore tꞩhoinare yahuro sañurucurohca: “Mari pꞩhtoro to tahto pano mꞩsa ñaa tꞩhotuare cohtota, cahno mꞩhtaga mꞩsa”, ni sañurucurohca’, niha Cohamacꞩ”, ni joaa tiha Isaia cjiro João cjihitore.

⁴ João masare bautisariro masa marienopꞩ masare buhea tiha:

–“Sã noaina jija”, ni mꞩsa tꞩhotumari cjirire duhu, mꞩsa ñaa buhirire cahya, Cohamacꞩ sehere cahmaga mꞩsa. ã jina bautisarina jiga. Mꞩsa ã yoachꞩ ñꞩno Cohamacꞩ mꞩsa ñaa buhirire boro-hca –ni buhea tiha tiro.

⁵ ã yoa jipihitina Judea yahpa macari macaina, Jerusalẽ macaina mehne tiro cahapꞩ ti sꞩchꞩ ñꞩno João sehe Jordão wama tiri mapꞩ bautisaha tinare. Tinare to bautisahto pano tina sehe ti ñaa yoarire yahu yꞩhdꞩha Cohamacꞩre.

⁶ Tiro João sehe camello pjoari suhtirore sãariro wahiquiro cahsaroreta tꞩã dihoriro jiha.

Poreroare, macaroca macaina miquina mi cãhure chãa tiha. ⁷ ã yoa õ sehe ni buhea tiha:

—Yũ baharo yũ yũdoro tuariro tarohca. Noa yũhdũariro jira tiro. Tiro yoaro sehe jieraja yũhũ sehe. ã jicũ tirore tũhotucũ, “Wiho jiriro jija yũhũ”, ni tũhotuja yũhũ. ⁸ Mũsare bautisacũ co mehne yoamahi. Tiro sehe yũ yũdoro yoarohca. Espíritu Santore mũsa mehne jirucuchũ yoarohca —ni buhea tiha João.

João Jesure bautisaha
(Mt 3.13-17; Lc 3.21-22)

⁹ ã yoa tí pjare Jesu Nazarepũ Galilea yahpai jiri macapũ jiriro Jordão wama tiri mapũ sũha. Tórpũ to sũchũ João bautisaha tirore. ¹⁰ To ã bautisa tuhsũchũ Jesu diarpũ ducuriro sũrũcũ sũro mũano to parĩ mũaaa wahachũ ñũha tiro. To parĩ mũachũta Espíritu Santo buja yoaro sehe Jesu bui duji pja sũha.

¹¹ To ã duji pja sũchũ mũanopũ durucuro coa taha:

—Mũhũ yũ macũ yũ cahĩriro jira. Mũhũ mehne tuaro wahcheja —nino coa taha mũanopũ.

Satana ñaare yoa dutimaha Jesure
(Mt 4.1-11; Lc 4.1-13)

¹² Tí pjare Jesure masa marienopũ Espíritu Santo naaha. ¹³ Tórpũre sũro cuarenta dachori waro jiha. Watĩno sehe Jesu to ñaare yoachũ ñũ duaro, ñaare yoa dutimaha tirore. Tuhsũ, Jesu wahiquina nũcũ macaina mehne jiha. Tói to jichũ ñũa anjoa sehe tirore yoadohoa, chũare waha.

Jesu Galilea yahpai buhe dꞑcaha
(Mt 4.12-17; Lc 4.14-15)

¹⁴ ã yoa Joãoꞑe peresupꞑ ti biha dapori baharo Jesu sehe Galilea yahparꞑ noaa buheare pꞑhtoro Cohamacꞑ to sꞑho jiare yahuro wahaha. ¹⁵ Õ sehe ni yahuha:

—Mipꞑre õ sehe jira. Pꞑhtoro Cohamacꞑ mꞑsare to noano sꞑho jihto mahanocã dꞑhsara. ã jina “Sã noaina jija”, mꞑsa ni tꞑhotumari cjirire duhuga. Mꞑsa ñaa buhirire cahya, Cohamacꞑ sehere cahmaga. Ahri noa buheare “Quihõnota jira”, ni tꞑhoga mꞑsa —ni buhea tiha Jesu tinare.

Jesu pititiarore wahi wajãinare “Yꞑhꞑ mehne macaina cjihti taga”, niha
(Mt 4.18-22; Lc 5.1-11)

¹⁶ Tíre yahu tuhsꞑ, Galilea wama tiri bucꞑpariro dꞑhtꞑ caharꞑ sito wahcãmahno ñꞑha Simore, to bahꞑro Andre mehne. Tina wahi wajãina jiha. ã jia ti wañꞑyucꞑire bucꞑparirorꞑ doca ñoa niha.

¹⁷ ã yoa Jesu tinare õ sehe niha:

—Yꞑhꞑ mehne macaina cjihti taga mꞑsa. Yꞑhꞑ mehne mꞑsa tachꞑ mꞑsa wahire ñaha cahmachuina mꞑsa jiro seheta, Cohamacꞑ yaina cjihtire masare pji cahmachuina cjihtire mꞑsare wahachꞑ yoaihtja. Yꞑhꞑ mehne mꞑsa tachꞑ ã yoahina cjihtire cꞑihtja mꞑsare —niha Jesu tinare.

¹⁸ To ã nichꞑ tꞑhoa ti wañꞑyucꞑire cꞑnocaa, tiro mehne wahaa wahaha.

¹⁹ ã yoa tina mahanocã yꞑhdꞑ wahcã, Santiagore, to bahꞑro João mehne boca sꞑha tjoa. Tina sehe Zebedeo pohna jiha. Ti yaria dohoriarꞑ

wañuyucurire cahnoa niha. ²⁰ Ñ yoa tiro to pjiro-cachu tina sehe ti pucurore, tiro mehne dahra cohtaina mehne dohoriapucunocaa, Jesu mehne wahaa wahaha.

Watia ti cohtotariro Jesure piti boca
(Lc 4.31-37)

²¹ Ñ yoa tina Capernau wama tiri macapucusha. Tórupucuro Sabado jichu judio masa sã buheri wuhupucusha buhero sãaha tiro. ²² Sã judio masare buheina yoaro sehe jieraha tiro. Noano masi pahñoriro ji, noano waro buheha. To ã buhechu tí maca macaina tũho cucua wahaha. ²³ Tí pjare cãiro tí wuhai jiriro watia ti cohtotariro jiha. Tójiro õ sehe niha Jesure:

²⁴ —Muhucusha Jesu Nazare macariro cariboi tjiga sãre. ¿Dohse yoai tai nijari sãre? ¿Muhucusha sãre butichu yoai tai nijari? Cohamacucusha macucuno buhiri tia marieriro mucusha jichu masija yuhucusha —ni sañurucuha tiro Jesure.

²⁵ To ã nichu tũhoru Jesu tuhtiha watia:

—Dihta mariaha. Wijaaha tirore —niha Jesu.

²⁶ Ñ jia watia tirore yahpucusha doca caha mucusha tunuchu yoa, to tuaro sañurucuro watoihita wijaaha tirore. ²⁷ Ñ jia jipihtina tí wuhai dujiina ñ cucua yuhucusha wahaha.

—Cue, ¿wahma buhea jijari ahri? Tiro pũtoro yoaro sehetu dutira watia. To dutichu tina watia sehe yuhucusha caerara tirore —ni durucuha tí wuhai dujiina ti basi.

²⁸ Ñ jia mahaa dachoricã baharoihta dóihita jipihtina Galilea yahpa macaina tíre to yoarire tũho sahsea wahaha.

Jesu Simo Pedro marechonore noaricoro wahach_u yoaha

(Mt 8.14-15; Lc 4.38-39)

²⁹ ã yoa Jesu cãh_u judio masa mari buheri wuhup_u jiina wijaaha. Ti ã wijaari baharo Jesu, Santiago, João, paina tina mehne macaina cãh_ure Simo to bah_uro Andre mehne ti ya wuhup_u sãho sãa sãha. ³⁰ Tí pjare Simo marechono juaro mehne to dohatich_u cama bui to coãch_u yahuha Jesure. ³¹ Ti ã yahuch_u tãhoro tiro sehe ticoro cahap_u sãro, to wamomacare ñaha, ticorore waja wahcõ dapoha. To ã waja wahcõ dapoch_uta ticorore juaro surua wahaha. To ã sururi baharo ticorota tinare chãare payoha.

Jesu pay_u dohatiinare noaina wahach_u yoaha

(Mt 8.16-17; Lc 4.40-41)

³² ã yoa sũ sãari baharo nahi borachup_u masa pay_u dohatiinare, watã ti cohtotarinare Jesu cahap_u na sãha. ³³ ã jia jipihtina tí maca macaina cahmachur_uch_u sãha tí wuh_u sopacai. ³⁴ ã jiro Jesu pay_u dohatiinare, pay_u soro jia dohatia cjuainare noaina wahach_u yoaha. Watã cãh_ure, masare sãamarinare pay_u cohã wioha. ã jiro watã Jesure ti masich_u ñãno Jesu sehe tinare durucu dutieraha.

Jesu buhe tinino wahaha

(Lc 4.42-44)

³⁵ ã yoa ñami curerocã wahcã, nahitia curech_uta masa marienop_u Cohamac_ure sinino wahaha Jesu. ³⁶ To ã wahari baharo Simo cãh_u tirore macaa wahaha. ³⁷ Tina tirore boca sã, õ sehe niha:

—Masa jipihtina m̄h̄ure macaa nihre —niha tina.

³⁸ Ti ã nich̄u t̄horo ò sehe niha Jesu tinare:

—Tinare buhe tuhs̄hi. Pa sehep̄u ò cahacã macaa macarip̄u wahajihna mari. Ahri yahpa macainare yahu site pahñoi tahi. ã jic̄u ȳh̄u paye macari macaina c̄h̄ure buheihtja —niha Jesu.

³⁹ ã ni tuhs̄u, jipihtia Galileai jia macarip̄u judio masa mari buhea w̄h̄usep̄u buhero, watĩare masare s̄amarinare cohã wioha.

Jesu cami barirore noariro wahach̄u yoaha
(Mt 8.1-4; Lc 5.12-16)

⁴⁰ ã yoa paio dohatiro cami bariro Jesure piti bocaro, na tuhcuca caha s̄u ò sehe ni siniha:

—M̄h̄u ȳh̄ure noariro wahach̄u yoa duacu yoaga —niha cami bariro.

⁴¹ To ã nich̄u t̄horo Jesu tirore pja ñ̄ha. ã jiro to wamomacare siõroca, tirore ñ̄a payoha. ã ñ̄a payoro ò sehe niha:

—Tĩre yoa duaja. Noariro jiga m̄h̄u —ni yahuha Jesu.

⁴² To ã nich̄uta dohatiro to cami bari c̄jiri yati m̄aa wahaha. Noariro wahaha tiro. ⁴³ To ã wahach̄u ñ̄no Jesu tirore tuaro mehne ò sehe ni yahuha:

⁴⁴ —Painare ahrire yahuec̄u tjiga. ã yahuera-paihta m̄u p̄jac̄ure sacerdotere ñ̄oga. Cohamac̄u dutia Moise c̄jire to c̄ũiro seheta yoaga. ã yoacu minichahcare waga sacerdotere noariro m̄u wahaire m̄u ñ̄ohti c̄jhtire —niha Jesu. ã ni tuhs̄u “Wahaga”, niha tirore.

⁴⁵ To ã yahu dutierapach_{ta} tiro waha, jipihtia macari macainare Jesu to yoare yahuha. To ã yahuri baharo Jesu masa pay_u ti jiro_ure waha masieraha. ã jiro tiro mahainacã ti jiro_u jiha. Tó_u to jich_u pay_u macari macaina tiro cahar_u s_uha.

2

Jesu p_uac_u b_uharirore ducuch_u yoaha
(Mt 9.1-8; Lc 5.17-26)

¹ Maha dachori baharo Jesu Caperna_u t_uaa wahaha. W_uh_ui to jich_u masa t_uhoha. ² ã jia tói masa pay_u cahmachu tí w_uh_ure wahpata wijaa s_ur_ucaha. ã jiro Jesu tinare noaa buheare yahuha. ³ To ã yahuro wato, pititiaro m_ua jipihtiri p_uac_u b_uharirore na wihiha. ⁴ Ti masa pay_u jich_u ñ_ua Jesu cahar_u sã masieraha. ã jia tina w_uh_u buir_u Jesu bui waroi mahanocã muji pahmare nawe, p_uac_u b_uharirore to coãri cahsaro mehne duhu boroha Jesu cahai. “Jesu ahrirore to dohatiare y_uhd_uch_u yoarohca”, ni t_uhotuha tina. ⁵ Ti ã ni t_uhotuch_u masino Jesu sehe dohatirirore õ sehe ni yahuha:

—Mac_u, m_u ñ_ua yoari buhiri tiare cohã tuhs_uja
—niha Jesu p_uac_u b_uharirore.

⁶ To ã nich_u t_uhoa sã coyey judio masare buheina tó_ure dujiina ti basi õ sehe ni t_uhotumaha: ⁷ “Ahriro ã ni durucuero tjijaro. Cohamac_ure ñ_uano durucuro nina tiro. Tiro masano mari yoaro seheta jiro jira tiro cãh_u. ã jiro to ñ_ua yoari buhiri tiare cohã masierara. Cohamac_u dihta masa ti ñ_ua yoari buhiri tiare

cohã masina”, ni tãhotumaha tina. ⁸ Ti ã ni tãhotuchũ ñũno Jesu ti tãhotuare masino õ sehe niha:

—¿Dohse yoana mũsa ã ni tãhotujari? ⁹ “Mũ ñaa yoari buhiri tiare cohã tuhsũja”, yũ nichũ “Mahñoriro jira”, yũhũre nina mũsa masierapanahca. “Wahcãrũca, wahaga”, yũ nichũ to tinichũ ñũna yũ niri potocã jia jichũ dóihta masinahca mũsa. ¹⁰ Yũhũ masũno Cohamacũ warocariro ahri yahparũre masa ti ñaa yoari buhiri tiare cohã masija yũhũ. Ahrire mũsa masihtõ sehe õ seheta to wahachũ yoaihtja —niha Jesu judio masare buheinare.

Tinare ã ninota pjacũ buharirore õ sehe niha:

¹¹ —Mũhũre niita nija. Wahcãrũcaga. Mũ coãri cahsarore na wahcãga mũ ya wũhũpũ —niha Jesu tirore.

¹² To ã nichũta pjacũ buhariro cjiro wahcãrũcũ sũ to coãri cahsarore na, jipihtina ti ñũrocaroi wijaa wahaha. To ã yoachũ ñũa tina jipihtina ñũ cũa wahaha. “Cohamacũ tuariro jira” ni, “Ne, mari õ sehe yoaare ñũera tihĩ”, niha tina ti basi.

Jesu Levĩre Mateo ti ni pisurirore “Yũhũ mehne macariro cjihto taga”, niha

(Mt 9.9-13; Lc 5.27-32)

¹³ ã yoa pari turi Jesu bucupariro dũhtũ cahapũ wahaha tjoa. Tõpũ sũro masa payũ tiro cahai ti cahmachuchũ ñũno tiro buheha tinare. ¹⁴ ã yoa tuhsũ tõpũ jiriro wahamahno Levĩre Alfeo macũnore to dahrari tahtiapũ boca sũha. Paina mehne pũhtoa ya cjihtire wapa na cohtaina jiha Levĩ cãhũ. Tirore boca sũro õ sehe niha:

—Yuhuh mehne macariro cjihto taga mahu —niha Jesu Levíre.

To ã nichata Leví sehe wahcã suruca, Jesu mehne wahaa wahaha.

¹⁵ Æ yoa baharo Jesu sehe to buheina mehne Leví ya wuhupuh churo niha. Jesu mehne wahaina sehe payuh jiha. Cãina puhto ya cjihtire wapa na cohtaina, ã jichuh paina masa “Ñaa dihtare yoara”, ti niina mehne payuh mesa cahai duji, tina cãhuh tiro mehne cãnoi sãho chuh niha. ¹⁶ Tópuh ti dujiri baharo paina sã coyea judio masare buheina, fariseo masa ya curua macaina mehne Jesu to chu dujichuh ñuha tina. Æ ñua õ sehe ni sinituha:

—¿Dohsearo ñano yoaina, puhto ya cjihtire wapa na cohtaina mehne chujari Jesu? —ni sinituha judio masare buheina Jesu buheinare.

¹⁷ Ti ã nichuh tãhoro piti dahre buhea mehne õ sehe ni yuhtiha Jesu:

—Dohatieraina duhturure macaerara. Dohatina dihta duhturure macana. Ñano yoaina dohatina yoaro sehe jira. Æ jichuh ñano yoainare yahui tai nihi yuhuh. Ti basi “Noaina jija sã”, ni tãhotuinare yahui tai nierahi yuhuh —niha tiro tinare.

Chuh duhuare Jesure sinituha paina

(Mt 9.14-17; Lc 5.33-39)

¹⁸ Tí pjare João buheina, fariseo curua macaina cãhuh Cohamacure ño payoa taa, chuera tiha. Æ jia masa Jesure õ sehe ni sinituha:

—João buheina, fariseo buheina cãhuh Cohamacure ño payoa taa chuerara. ¿Dohse yoa mah buheina sehe chu duhuerajari? —niha tina Jesure.

19 Jesu to tũhotua mehne quitu dahre buhero tinare õ sehe ni yũhtiha:

—Õ sehe jira tí: Wamomaca dũhteriro bose nũmũi to jichũ tiro mehne macaina cahyaro mehne jierara. Tuhsũ, chũeraina jierara. Tó se-heta yũ buheina cũhũ yũhũ mehne jia, chũ duhu masierara. ²⁰ Yũ Pũcũ Cohamacũ yũhũre to naari baharo pinihtare yũ buheina mehne jisi yũhũ. ã jia tí pjarũta yũ buheina cũhũ chũ duhuahca —niha Jesu.

21 Panopũ macaa buhea wahma buhea mehne ti buhe more duachũ ñũno õ sehe ni namoha Jesu tinare piti dahre buhero:

—Ne, wahma cahsaro suhtiro cahsaro mehne mũnano suhtirore sere õno cahmaerara. Mari ã yoachũ wahma cahsaro mari cosari baharo mũnano suhtirore waja cahmachu, pjibiario tũhnũchũ yoara. ²² ã yoa ne se co bisia core wahiquire cahsaro wajuru mehne mũna wajuru mehne posaeraro cahmana. Mari ã yoachũ se co bisia pahmoapũ mũna wajurure tũhrẽnocahna. To tũhnũchũ se co cũhũ, wajuru cũhũ cohõa wahara. ã yoa se co wahma core wahma wajurupũ posaro cahmana. Mari ã yoachũ se co cohõera, wajuru cũhũ cohõerara. (Tó seheta wahma buhea mũna buhea mehne buhe moreraro cahmana) —ni buheha Jesu tinare.

*Sabado jichũ Jesu buheina trigo parorire pahaha
(Mt 12.1-8; Lc 6.1-5)*

²³ Pa dacho Sabado jichũ Jesu cũhũ trigo wesepũ wahaha. To buheina sehe trigo parorire paha

yuhdu wahcãha. ²⁴ Ti ã yoachu ñua õ sehe ni tuhtiha fariseo curua macaina Jesure:

—Tuhosiniga sãre. ¿Dohse yoa tina Sabado mari sori numu to jipachuta dahrajari? Marine dutiare yuhdurucãa nina —niha tina Jesure.

²⁵⁻²⁶ Ti ã nichu tuhoro Jesu tinare yuhtiha. “Yu buheina yuhdurucãa nierara”, nino taro õ sehe niha:

—Davi cjiro tiro mehne macaina mehne juca baaro, Cohamacu wuhuru sãa, Cohamacu ya pãore chuha. ã churo tiro mehne macaina cãhure tí pãore waha. Tí pãore sacerdotea dihtare chu dutira. Cohamacu dutia ti joari tjui painare tí pãore chu dutierara. Tí pjare Abiata wama tiriro sacerdotea puhtoro jiha. ¿Davi cãhu tíre ti yoari cjiire Cohamacu yare ti joari tjui buherari musa? (Tí pãore churo Cohamacure yuhdurucaro nieraha. Michare ahri yaparire chua yu buheina cãhu Cohamacure yuhdurucãa nierara) —niha Jesu tinare.

²⁷ ã ni tuhsu õ sehe ni namoha:

—ã yoa Cohamacu Sabado dachore ti sori numu cõno masa ya dacho cjihto cõno nire dahra wah-yarinare so dutiro. Tí dachore ño payohtina cjihtire cõno nierare masare Cohamacu. ²⁸ ã jicu yuhu masuno Cohamacu warocariro ahri dacho Sabado dachore masa ti yohtire yahurirota jicu puhtorota jija —niha Jesu tinare.

3

*Wamomaca bhariro quiti jira
(Mt 12.9-14; Lc 6.6-11)*

¹ ã yoa Jesu sã judio masa buheri wuhuru suro sãaha tjoa. Tí wuhui cãiro wamomaca buhariro dujaha. ² Sabado jichu Jesu wamomaca buharirore to noariro yoachu ñu duaha cãina tí wuhui dujiina. To ã yoachu ñua tirore yahusã duamaha. “Mari sori numui Jesu dahraro nina”, ni yahusã duamaha tina. ã jia Jesu to sãa tachu ñua, tirore yahusã duaina sehe tiro dihtare ñuroca õha. ³ Tirore ti ã ñuroca õpachuta Jesu sehe wamomaca buharirore õ sehe niha:

–Wahcã surucaga jipihtina ti ñurocaroi –niha.

⁴ ã ni tuhsu tí wuhui dujiinare õ sehe ni yahuha:

–¿Sabado jichu noaare yoachu noajerari? ¿O ñaare yoachu sehere noajari, musa tuhochu? Sabado jichu masunore masochu noa nina. Masunore wajachu sehere noerara –ni yahuha Jesu tinare.

To ã nipachuta tina yuhtieraha. ⁵ Ti ã yuhtierachu ñuno Jesu tina mehne suaha. Ti tuho duaerachu ñuno Jesu cahyaha.

–Mu wamomacare siõrocaga –niha tiro wamomaca buharirore.

To ã nichu tuhoro tiro to wamomacare siõrocaha. To ã yoachuta noari wamomaca wahaha. ⁶ To ã noari wamomaca wahachu ñua, fariseo curua macaina wijaa wahaha. Wijaa, Herode mehne macaina mehne cahmachu, “¿Dohse yoa Jesure wajãnahcari mari?” niha tina ti basi.

Masa payu bucupariro duhtu cahapu jiha

⁷⁻⁸ ã yoa pari turi Jesu to buheina mehne bucupariro cahapu wahaha tjoa. Ti ã wahachu ñua Galilea macaina masa payu to baharo sãha.

Ã jia Judea yahpa macaina, Jerusalẽ macaina, Idumea yahpa macaina, Jordão wama tiri ma sie coa macaina, Tiro wama tiri maca macaina, tó cahai jiina, Sidõ wama tiri maca macaina, tó cahai jiina mehne masa pay_u jipihtina to yoarire tũhoa, tiro cahap_u sũha. ⁹⁻¹⁰ Tóp_u sũa, pay_u masa jiha. Pay_u dohatiinare noaina to yoach_u tũhoa, paina dohatiina cũh_u Jesure piha dua, tju bihsar_ucũ sũha. Ti ã tju bihsar_ucũ sũch_u ñano, Jesu busocare cahnopohobasa dutiha to buheinare. ¹¹ Æ yoa paina watĩa ti cohtotarina sehe Jesure ñua tiro cahai na tuhcuca caha sũha.

—Mũh_u Cohamac_u macano jira —ni sañurucuha tina tirore.

¹² Ti ã sañurucuch_u tũhoro tinare Cohamac_u macano to jiare tuaro mehne ni dutieraha Jesu.

Jesu to buheinare doce to warocahtinare bese dapoha

(Mt 10.1-4; Lc 6.12-16)

¹³ Æ yoa Jesu tũcũp_u mũja, to cahmainare pjiroc-aha. To pjirocach_u tũhoa, tiro cahap_u mũja sũha tina. ¹⁴ Ti mũja sũri baharo doce mũare tiro mehne macaina cjihtire, paye macarip_ure to yare buhe duti to warocahtinare, bese dapoha Jesu. ¹⁵ Æ yoaro dohatiinare ti yũhdohti cjihtire, watĩare ti cohã wiohti cjihti cũhũare cũha tinare. ¹⁶⁻¹⁹ Ahrinare doce mũare Jesu bese dapoha: Simo, Santiago Zebedeo macano, João to bahuro, Andre, Felipe, Bartolomé, Mateo, Toma, Santiago Alfeo macano, Tadeo, Simo cananista ya curua

macariro cjiro, Juda Iscariote, tina jiha to bese daporina. Jesu Simore Pedro ni wama pisuha. Santiagore, João mehne Boanerges ni wama pisuha. Boanerges “Wupo yoaro sehe jiina tuaro bisiina jira”, nino nina. Juda Iscariote Jesure ñu tuhtinare ñohtiro jiha. Tinare bese dapo tuhsu, dujiaa, Jesu to buheina mehne wuhupu sãa wahaha.

“Jesu watĩno tuaare cjũara”, ni yahusãha masa (Mt 12.22-32; Lc 11.14-23; 12.10)

²⁰ ã yoa tói pari turi masa payu cahmachua bihsa niha. Ti ã bihsachu ñũno Jesu chu masieraha. Tuhsu, to buheina cãhu chu masieraha. ²¹ ã jia paina Jesu coyeya tíre tuhoa, tiro cahapu su, tirore ñahamaha.

—Tiro tuho masierariro waharo nina —nimaha tina.

²² Paina õ sehe niha:

—Beelzebú tirore ã wahachu yoaro nica. Tiro watĩare cohãno Beelzebú watĩa puhtoro to tuaa mehne tinare cohãna —niha Jerusalẽpu tarina sã judio masare buheina.

²³ Ti ã nichu tuhoro Jesu sehe tinare pjiroca, to tuhotua quti mehne piti dahre yahuha tinare:

²⁴ —Watĩno ya tuaa mehne watĩare cohãni nieraja. Watĩa ti basi cohã masierara. Cũ yahpa macaina ti basi cahma wajãa, tí yahpa macaina yaria pihtia wahaboa. ²⁵ Cũ wuhũ macaina ti basi cahmachea tí wuhũ macaina waha pihtia wahaboa. ²⁶ Tuhsu, Satana watĩa puhtoro sehe watĩare cohãno ti basita cahmachea niboa. ã jia tina waha pihtia wahaboa.

²⁷ ’Õ seheta jira mari piti dahre buhechu. Turariro ya wuhupu paio sãa su yaca masierara.

Tuarirore duhteraro to ya wuhuru sãa su yaca masierara. Tuarirore to duhteri baharo sãa su yaca masina –ni yahuha Jesu. (Õ sehe ni yahuha watĩnore to yuhurucarire yahuro. Watĩno tuariro to jipachuta Jesu tirore yuhurucara watĩare cohãno.)

²⁸ ã ni tuhsu õ sehe ni yahu namoha Jesu:

–Potocã niita nija musare. Jipihtia ñaare masa ti yoachu ti durucuchu cũhare Cohamacu bo masina.

²⁹ ã boparota Espĩritu Santore ti ñano durucuchu tí pinine ne bosì. Ti ã niri buhiri ã buhiri tirucuina jiahca –niha Jesu tinare.

³⁰ Jesu Espĩritu Santo to tuua mehne watĩare to cohãpachuta “Tiro watĩno to tuua mehne watĩare cohãno nina”, nimaha masa. Ti ã nichu tuhoro tí quitire Espĩritu Santo quitire yahuha Jesu tinare.

Jesu coyea tirore pjiha

(Mt 12.46-50; Lc 8.19-21)

³¹ ã yoa Jesu bahana to pocoro mehne wihia. ã wihia sopacaru jia, painare pji dutiha tirore. ³² ã jia masa tiro caharu dujiina yahuha tirore:

–Mu poco, mu bahana mehne sopacaru pjia nina mũhare –niha tina.

³³ Ti ã nichu tuhoro õ sehe niha Jesu tinare buhero taro:

–¿Noa jijari yu poco, yu bahana cũhu, musa ñuchu? –niha tiro tinare buhero taro.

³⁴ ã nino to cahai dujiinare ñano õ sehe niha:

–Ahrina jira yu poco yu bahana yoaro sehe jiina. Cohamacu cahmaare yoara ahrina. ³⁵ Tó sehetu yoaina yu bahu, yu baho, yu poco yoaro sehetu jira –ni buheha Jesu tinare.

4

Jesu wesere toari masuno quitire buheha
(Mt 13.1-9; Lc 8.4-8)

¹ ã yoa pari turi bucupariro duhtu cahapu Jesu masare buhe ducaha tjoa. ã tópre buhe ducaro masa payu tiro cahapu ti cahmachuchu ñno Jesu sehe dohoriapu samu wijaa, pahsaha. ã jia masa sehe bucupariro duhtu cahai ducuha. ² ã jiro Jesu payu to tãhotua mehne quti dahre yahuha tinare buhero taro:

³—Ahri quitire tãhoga musa —niha tiro tinare.

—Toari masuno toaro, to toaa yaparire doca site cūno wahara. ⁴ To ã doca site cū wahcãchu paye yapari mahai bora caha sãha. ã bora caha sãare tí yaparire minichahca duji ta, chãnocaha. ⁵ ã yoa paye yapari sehe tãa wapa bui dihta se mininocã bui bora caha sãha. Tãa wapa buicã dihta mariea cureroi bora caha sã, dói dumaha. ⁶ ã dói duri jipahta, nãhcori mariaa, sã to tuaro sichu, ñaia waha. ⁷ Paye yapari sehe tja watoi bora caha sãha. Tja sehe dia yãhdã waha, toaa sehere wajãnocaha. ã jia tja watoi jiare dicha mariachu yoaha. ⁸ Paye yapari sehe noari yahpai bora caha sãha. Noano du, noano dicha tiha. Paye yucu treinta yapari, paye yucu sesenta yapari, paye yucu cien yapari dicha tiha. ⁹ Ahrire tãho duaina noano tãhoga musa —niha Jesu.

Jesu quti mehne to buherire yahuha
(Mt 13.10-17; Lc 8.9-10)

¹⁰ ã yoa ti sahsero jia doce to buheina, paina Jesu mehne jiina cãhu tí quitire masi duaa, Jesure

sinitu ñuha. ¹¹ Ti ã sinitu ñuri baharo Jesu õ sehe ni yahuha:

—Cohamacu masa bui pahtoro masare to noano suho jiare, panopu paina ti masierari cjirire musare masichu yoara Cohamacu. Paina sehere ã yoaerara tiro. ã jicu tinare quitu mehne dihta buhehtja. ¹² ã jia tina ñupahta ñueraina cjiri yoaro sehe tjuara. ã jia tuhopahta tuho ñaha masisi. Tina tuho ñahaina jia, ti ñaa yoarire cahya, Cohamacure macaboa. Ti ã macachu ñuno, tiro sehe ti ñaa yoari buhirire bonocaboa. ã jipachuta tina sehe ne tuho duaerara —niha Jesu.

*Jesu wesere toari masuno quitire yahu pahñoa
(Mt 13.18-23; Lc 8.11-15)*

¹³ To ã niri baharo õ sehe ni yahu namoha tinare:

—¿Ahri quitire tuhoerasinijari musa? ¿Musa ahri quitire tuhoerana, dohse paye quitire tuhonahcari musa? —niha Jesu tinare.

ã ni tuhsu tiro õ sehe ni yahuha tinare:

¹⁴ —Toari masuno toaro, to doca site cña yapari noaa buhea yoaro sehe jira. ¹⁵ ã yoa mahai boraa yapari noaa buhea yoaro sehe jira. Cãina noaa buheare ti tuhochu ñuno Satana sehe ta, tí buhea noaa buheare ti tuho ñahamarire bochu yoara tinare, minichahca tí yaparire ti churo seheta yoaro. ¹⁶ ã yoa tãa wapa bui dihta se mininocã bui boraa yapari noaa buhea yoaro sehe jira. ã jia paina noaa buheare tuho, wahchea mehne dóihta tíre tuho nunu wahcãna. ¹⁷ ã tuho nunu wahcãpahta tãa wapa buicã jia yucu nuhcori mariea yucu yoaro sehe ahrina masa cñu yoari

pja cãno pjaerara. ã cãno pjaeraa, y_u yare ti cahmari buhiri paina tinare ti ñano yoach_u, ñano y_uhd_ua, y_u yare duhunocahna. Paina tinare ti ñano yoach_u tíre cãno pjaeraa, y_u yare duhunocahna. ¹⁸ ã yoa tja watoi boraa yapari noaa buhea yoaro sehe jira. ¹⁹ ã jia paina sehe noaa buheare t_uhoa, ahri yahpa macaare wac_u n_un_u y_uhd_uara. Niñerure buj_ua cahma, paye baro c_uh_ure pay_u cahma, tíre goa pja y_uhd_uara tina. Ti ã t_uhtotuch_u tí sehe noaa buheare d_ucata_ura. Ti ã d_ucatach_u masa noaa sehere yoaerara. Dicha maria yuc_u yoaro seheta jira. ²⁰ ã yoa noari yahpai boraa yapari noaa buhea yoaro sehe jira. ã jia paina sehe noaa buheare t_uhoa tíre cahmana. Tíre masiina jia, Cohamac_u to cahmano seheta noaare yoara tina. Cãina mahanocã noaare yoara treinta yapari dicha tiro seheta. Paina bui curero noaare yoara sesenta yapari dicha tiro seheta. Paina pjíro noaare yoara cien yapari dicha tiro seheta —ni yahuha Jesu tinare.

Jesu sihãria quitire buheha
(Lc 8.16-18)

²¹ ã ni tuhs_u õ sehe ni yahu namoha Jesu:

—Ne, sihãriare ti sihãri baharo tiare dihi biato docap_u c_uerara. ã jia tiare coãri casario docap_u c_uerara. M_uanop_u duhu payora noano buhria dutia. ²² Jipihti ti masierari cjirire baharo masa masiahca. Sihãria to buhriach_u mari ñ_u masino seheta panop_ure ti masierari cjirire masiahca masa. ²³ Ahrire noano t_uhoga m_usa. ²⁴ Mahanocã masi duana mahanocã masinahca. Pjíro masi duana pjíro masinahca. ã jina m_usa t_uhona noano t_uho

nunuga. ²⁵ Noano tũho nunũriro noano masino-hca. Tũho nunũerariro “Mahanocã tũhoja”, to nipachũta tí sehe butia waharohca –niha Jesu tinare.

Jesu trigore toariro quitire buheha

²⁶ Æ ni tuhsũ õ sehe ni yahu namoha:

–Cohamacũ masa bui pũhtoro to sũho jia trigore toariro yoaro sehe jira. ²⁷ Toa tuhsũ bohrearo to toari duare ñũna tiro. “¿Dohse du wijaa ta bucuajari tí?” ni ñũ masierara toariro to basi. ²⁸ Tí toari ti basi dicha tira. Pari pũca ji mũhtana. Baharo pari paro wijaa bucuara. ²⁹ Tí parori bucuã tuhsũchũ ñũno pahara. Pahari pja jira. (To toaa ti bucuarire to masieraro seheta Cohamacũ yaina masa ti wahachũ cũhũre yahu pahũo masierara masa) –ni buheha Jesu.

Mostaza yapa quitire yahuha Jesu
(Mt 13.31-32; Lc 13.18-19)

³⁰ Æ ni tuhsũ õ sehe ni buhe namoha Jesu piti dahre buhero:

–¿Ne Cohamacũ masa bui pũhtoro to sũho jia yaba baro yoaro sehe jijari, mũsa tũhotuchũ? ¿Di quiti mehne tíre yahunahcari? ³¹ Mostaza yapacã yoaro sehe jira pũhtoro Cohamacũ to sũho jia. Tí yapacã to toachũ mahabiari yapacã jira. ³² Æ jiparota tí yapacã noano dura. Æ jiro pjibiadũ wahara. Æ jia tũ dũpũri bujũa dũpũri bucuachũ ñũa minichahca peri tũ dũpũripũ suhti suhara. (Pjibiadũ to wahariro seheta mũano macarirore mari pũhtoro masiina mahainacã ti ji mũhtapachũta baharopũ tina payũ wahaahca) –niha Jesu.

*Quiti mehne to buherire yahuha Jesu
(Mt 13.34-35)*

³³ ã ni tuhsu, tí quiti ti niriro seheta payu quitire tuho ti cãno pjaro puro noaa buheare buheha tinare. ³⁴ Quiti marieno yahueraha tinare. Tuhsu, ti sahsero jïinare Jesu noano yahu pahñoaha to buheinare.

*Jesu wihnonore yusu dutiha
(Mt 8.23-27; Lc 8.22-25)*

³⁵ ã yoa tí dachoreta nahi borachuru Jesu to buheinare õ sehe niha:

—Basa, sie coaru pahãjihna —niha tinare.

³⁶ To ã nichu tuhoa Jesu to jiriaru dohoriaru samu, masare yahparu ducuinare toïhta cû, to buheina dihta Jesure na pahãa wahaha. ã yoa paye buso mehne paina cûhu tinare piti ti pahãa wahaha. ³⁷ Ti ã pahãchu wihnono tuaro taha. ã taro dohoriare pahcõri tuaro cjã sãaha. Mahanocã duhsamaha ti miniboro. ³⁸ To ã waharo watoi Jesu sehe dohoria oturoaru suhti puti mehne to dapu ño tu tjiãhno carĩno niha. ã jia tina tirore wahcõha.

—Buheriro, mari mini yariana tana nija. ¿ã jica niera putiajari maru? —niha tina tirore.

³⁹ Ti ã nichuta Jesu sehe wahcã, wihnonore:

—Tó purota wã duhuga —niha. ã ninota pahcõri cûhure:

—Yusu wahaga —niha buruparitore.

To ã nichuta wihnono yuhdu wahaha. ã jia pahcõri cûhu yusu bora wahaha.

⁴⁰ —¿Dohse ni cuimacanocana nijari maru? ¿maru yuhure wacû tuaerasinijari? —niha Jesu.

⁴¹ To ã yoachu ñua tina cûa yuhdu wahaha.

—Cue, ¿dohse jiro baro masuno jijari ahriro? Ahri wihnono, pahcōri cāh_u to dutich_u y_uhd_ur_ucaerara tirore —niha tina ti basi.

5

Watia ti cohtotarirore noariro wahach_u yoaha Jesu

(Mt 8.28-34; Lc 8.26-39)

¹⁻² Ā yoa tina sie coap_u Gerasa macaina ya yahpap_u pahā s_uha. Pahā s_u, Jesu sehe dohoriap_u sāariro maja s_ur_ucaha. To ā maja s_ur_ucari baharocāta, watia ti cohtotariro tāa copari, masa copari watoi jiro wija ta, tiro cahap_u taha. ³ Tiro watia ti cohtotariro masa copari watoi jiro jia tiha. Tirore ne cāiro coma da pjiri da mehne ñaha d_uhte cūno bihoeraha. ⁴ Pay_u tahari masa tirore dahpori w_upōa sorori mehne comaa dari mehne d_uhte timaha. To wamomacari cāh_ure d_uhte timaha. Wiho mejeta tiro sehe comaa darire nuha, dahpori w_upōa sorori cāh_ure nuha site m_ujaha. Ā jia tiro tuariro to jich_u ñ_u masa sehe tirore cj_uaa bihoeraa tiha. ⁵ Ñamine, dachore t_u yuc_urip_u jia copari tāa copari watoi ā sañurucua tiha tiro. Ā yoa tāa mehne to basi to pjac_ure cjāye m_ujaa tiha tiro. ⁶ Ā yoa Jesu to maja s_ur_ucach_u yoarop_u Jesure ñ_uroca, tiro cahap_u m_uroca ta, na tuh_ucua caha s_uha, tirore ño payoro taro.

⁷⁻⁸ —Watia wijaahga tirore —niha Jesu.

To ā nich_u t_uhoro watia ti cohtotariro ño sehe ni sañurucua:

—Jesu, Cohamac_u Jipihtina Bui Jiro mac_uno, ¿yabare yoai tai nijari m_uh_u y_uh_ure? Cohamac_u to

ñurocaroi sinija yuhũ mũhũre. Yuhũre ñano yoai tjiga —ni sañurucuha watĩa ti cohtotariro Jesure.

⁹ —¿Yabariro wama tijari mũhũ? —niha Jesu tirore.

—Sã payũ jija. ã jina “Payũ watĩa”, wama tija. ¹⁰ Ahri dihtapũ jĩinare sãre pa yahpapũ waha dutiechũ tjiga —ni payũ tahari siniha watĩa ti cohtotariro.

¹¹ Tĩ pjare ti cahacãi tũchũ dahpotoi yesea nuina payũ chũa niha. ¹² Tõi ti chũrucuchũ ñũa õ sehe ni siniha watĩa:

—Sina yesea cahapũ warocaga sãre ti pjacũripũ sã sãahto sehe —ni siniha watĩa tirore.

¹³ Ti ã nichũ tũhoro “Jai. Wahaga”, niha Jesu. To ã dutichũ, watĩa masũnopũ jirina cjiri sehe wijaa, yesea pjacũripũ sãaha. Tina yesea sehe payũ waro jiha, dos mil. ã yoa tinare ti sãari baharo, yesea jipihtina bucũpariro dũhtũ cahapũ pari cũnũpũ mũroca buha, tĩ taropũ bora ñoja, mini yaria pihtia wahaha.

¹⁴ Ti ã mini yariachũ ñũa yeseare ñũ wihboina sehe mũroca wahcã, pjiri macapũ cũhũre, daa macaricãpũ cũhũre tíre yahu sitea wahaha. Ti ã yahuchũ tũhoa, masa sehe payũ ti ã waharire ñũa wahaha. ¹⁵ ã jia Jesu cahapũ wihia, payũ watĩa ti cohtotariro cjiro to suhti tiriho, tũho masiriho to dujichũ ñũa, cui niha. ¹⁶ Watĩa ti cohtotariro cjirore, yesea cũhũre ti ã waharire ñũina sehe paina masa ti cahai wihiinare noano yahu pahñoha. ¹⁷ Ti ã yahu pahñochũ tũhoa, Jesure tuaro mehne pa sehẽpũ waha dutiha.

¹⁸ ã yoa dohoriapũ Jesu to samuchũ ñũno, “Mũhũ mehne waha duaja” ni, tuaro sinimaha watĩa ti

cohtotariro cjiro sehe Jesure. ¹⁹ To ã nichũta Jesu tirore õ sehe ni yahuha:

–Yũhũ mehne taecu tjiga. Mũ ya wãhũpũ mũ coyea cahapũ yũhũ mũ pũhoro mũhũre yũ yoarire yahui wahaga. Mũhũre yũ pja ñũrĩre yahuga tinare –niha tirore.

²⁰ To ã nichũ watĩa ti sãanoriro cjiro sehe Decapoli wama tiropũ jia macaripũ Jesu tirore to yoari cjiřire yahu dũcaha. To ã ni yahuchũ tũhoa jipihtina masa cũaa wahaha.

Jairo maconore yũhdũchũ yoa, cahã ñũricoro cũhũre yũhdũchũ yoaha Jesu

(Mt 9.18-26; Lc 8.40-56)

²¹ ã yoa pari turi Jesu to majare pahã sũchũ masa payũ tiro cahapũ bũcũpariro dũhtũ cahapũ cahmachuha. ²² Ti ã cahmachuchũ sã judio masa buheri wũhũre ñũ wihboriro Jairo wama tiriro wihi, Jesure ñũ, to dahpori cahapũ na tuhcuca caha sũro, ²³ õ sehe niha:

–Yũ macocã yariaro nihre. ã jicũ ticorore mũ wamomaca mehne ña payo, noaricoro yoai taga. Mũ ã yoachũ ticoro masanohca –niha tiro Jesure.

²⁴ To ã nichũ Jesu cũhũ sehe tiro mehne wahaha. Mahai to wahachũ payũ masa tirore nũnũ ti wahcã bihsaro sũrũcũ sũha tirore. ²⁵ To ã bihsaro wahachũ numino doce cũhmari waro dachoripe cahã ñũrucuricoro tói jiha. Tó pano payũ duhturuua ticorore ñano yũhdũchũ yoaha. ²⁶ ã yoa duhturuare jipihtia to niñeru mehne wapamaha ticoro co tiro. Ti ã yoapachũta ticoro mũnanota jirucuha. ã jiro ticoro tó pano to jiro yũhdoro ñano wahaha. ²⁷ To ã ñano yũhdũricoro to jicũ

masia Jesu to yoirire tũhoa paina tíre yahuha ticorore. ã ti yahuchũ tũhoro ticoro Jesu baharo masa payũ watoi wihi, Jesu suhtirore ñaha ñũha. ²⁸ “Yũhũ to suhtiro dihtare ñaha ñũco noaricoro wahacohca”, ni tũhotuha. ²⁹ ã jiro ticoro to ñaha ñũri baharo to cahã ñũare duhuro to pjacũre noari pjacũ tũhotuha. ³⁰ ã jiro Jesu to tuua mehne dohatiare to cohãrire masino, masa watoi majare ñũha.

—¿Noa yũ suhtirore ñaha ñũri? —niha tiro.

³¹ To ã nichũ tũhoa to buheina õ sehe niha:

—Bihsa nina. ã jia masa payũ mũhũre pihanocahna. “¿Noa yũhũre ñaha ñũri?” nicũ, ¿dohseacũ ã nijari mũhũ? —niha tina sehe tirore.

³² ã jiro Jesu tirore ñaha ñũricorore macaha.

³³ To ã macano watoi ticoro sehe to pjacũ noano wahachũ tũhoturo cui, tetera na tuhcuca caha sũha to panoi tirore ño payoro. ³⁴ ã jiro ticoro poto yahu pahũoha tirore. To ã ni yahuri baharo Jesu ticorore õ sehe ni yahuha:

—Maco, yũhũre mũ wacũ tuua mehne noaricoro tjuara mipũre. Wahchea mehne wahaga. Dohatia marienicoro jiga —niha Jesu ticorore.

³⁵ To ã ni durucuro watoi judio masare buheri wũhũre ñũ wihboriro ya wũhũ macaina yahua wihaha:

—Mũ maco yariaa wahahre. ã jicũ buherirore pji tai tjiga —niha tina.

³⁶ Ti ã nipachũta ã tũhotunocahno, Jesu ñũ wihborirore õ sehe ni yahuha:

—Cahya tũhotui tjiga. Yũhũre wacũ tuaga. Tí dihtare yoaga —niha ñũ wihborirore.

³⁷ Ñ ni tuhsu Santiago, to bahuero João, Pedro tina dihtare “Yuhu mehne taga”, niha Jesu. ³⁸ Ñ pji wahcãno sã judio masa buheri wuhure ñu wihboriro ya wuhuru suha tina. Tí wuhuru masa payu ñano bisi, ñahacaha tiia ti sañurucuhu ñuha Jesu.

³⁹ —Ñano ni, ñahacaha tiiena tjiga musa. Maharicorocã musa ã ni tiichu yariaerara. Carño nina — niha Jesu tinare.

⁴⁰ To ã nichu tãhoa “Ñ nimacanocano nina ahriro”, ni bujaha tina sehe tirore. Ti ã yoachu tiro tinare sopacaru wio pahñonocaha. Ñ wio tuhsuro maharicorocã pucsumare, tiro mehne macaina cãhure ticorocã caharu naaha Jesu.

⁴¹ Ñ naa tuhsuro Jesu ticorocãre to wamomacare ñaha:

—Talita cumi —niha tiro. (“Talita cumi” nino, “Maharicorocã wahcãga’, nija yuhu”, nino nina.)

⁴² To ã nichuta ticorocã wahcãruhu su, tiniha. Doce cãhmari cjãaricoro jiha ticoro. Ticorore to ã yoachu ñua tina cãa yãhdãa wahaha. ⁴³ Ti ã yoachu ñuno, Jesu tuaro mehne tíre to yoarire yahu site dutieraha. Ñ yoa tuhsu ticorore chãa wa dutiha.

6

Nazare macaina Jesure cahmaeraha (Mt 13.53-58; Lc 4.16-30)

¹ Ñ yoa tóru jiriro waha, Jesu to buheina mehne to ya dihtaru tju suha. ² Ñ tju suro Sabado jichu sã judio masa buheri wuhui buhe dãcaha Jesu. To ã buhechu masa payu tirore tãhoa, cãaa wahaha.

—Cue, ¿ahriro nohopu tuhoari ahri buheare? ¿Dohsearo noano masi pahñonocajari ahriro? Cohamacu tuaa mehne yoa ñona tiro to basi. ³ Ahriro taboa dahrari masuno María macuno, Santiago, José, Juda, Simo ti wahmino jimanaro. Ñ yoa to bahana numia mari ya macai jisininanabu. Ñ jiro tiro mari yoaro sehe jiro tjira —niha tina Jesure tuhomarina.

Ñ jia Jesure ñu tuhtia, tirore cahmaeraha. ⁴ Ti ñ cahmaerachu ñuno õ sehe niha Jesu:

—Cohamacu yare yahu mæhtaritore paina ño payora. Ti ñ ño payopachuta to ya maca macaina, to coyea, to ya wahu jina ño payoerara tirore. Ñ jina yuhare ño payoerara musa õi yu bucararo jichu —niha Jesu tinare.

⁵ Ñ jiro tí macai jiro Jesu Cohamacu tuaa mehne yoa ño masieraha. Ñ yoeraparota caina dohatiina bui to wamomacare duhu payo, noaina wahachu yoaha tiro. ⁶ Ñ jiro tó macaina Jesure ti quihõno tuhoerachu ñuno cúa wahaha tiro. Ñ jiro Jesu tó cahai jia macaripu buhero wahaha.

Jesu doce buheinare buhe dutiro warocaha
(Mt 10.5-15; Lc 9.1-6)

⁷ Ñ yoa Jesu doce to buheinare pjiroca, puaro dihta warocaha tinare macaripure buhe dutiro. Ñ jiro to tuaare waha tinare watiare ti cohã wiohto sehe. ⁸ Ñ warocaro pãore, wajure, niñerure tiro naa dutieraha tinare. Ti tjuayucu dihtare naa dutiha. ⁹ Ñ ni tuhsu, dahpori tu cúa cahsarire sãa dutiha tinare. Cãnota suhtirore sãa dutiha tinare. Puaro sãa dutieraha. ¹⁰ Ñ jiro õ sehe ni yahuha tinare:

—Jipihtia macarip_u m_usare ti carĩno wach_u tí w_uh_uihta tjuasiniga. Coã wahanap_u wijaahga tí w_uh_ure. ¹¹ ã jina pa maca macaina m_usare ti cahmaerach_u, ti t_uho duaerach_u tí macare y_uhd_uana dahpori macaa dihta pohcari mene wajã site c_uga m_usa tinare ti ya buhirire masich_u yoana —ni yahuha Jesu tinare.

¹² ã jia tina doce buheina masare ti ñaa t_uhotumari cjirire t_uhotu cohtota duti, Cohamac_ure maca duti, buhea wahaha. ¹³ ã wahaa pay_u watĩare cohã wio, dohatiinare se mehne wisõa, noaina wahach_u yoaha.

*João masare bautisarirore paina wajãha
(Mt 14.1-12; Lc 9.7-9)*

¹⁴ ã yoa Jesure masa pay_u masiha. ã jiro to yoarire p_uhtoro Herode t_uhorocaha. ã t_uhorocarõ õ sehe ni t_uhotumaha tiro paina mehne:

—João masare bautisariro yariariro cjiro pari turi bajuaro nica. ã bajuariro jiro to tuua mehne tĩre yoaro nica —ni durucumaha Herode paina mehne. (“Jesu Joãota jira”, ni t_uhotumaha.)

¹⁵ Paina sehe õ sehe ni t_uhotumaha:

—Elia jira —ni t_uhotumaha.

Paina sehe:

—Cohamac_u yare yahu m_uhtariro panop_u macaina cjiri yoaro sehe jira tiro —ni t_uhotumaha Jesure.

¹⁶ Ti ã ni t_uhotupach_uta Herode sehe Jesu to yoarire t_uhorõ õ sehe ni t_uhotumaha:

—João dapure y_u cjã ta dutiriro cjiro bajuaro nica —ni t_uhotumaha.

17-18 Joãore ti wajãhto pano Herode tirore ñaha duti, peresu yoa dutiha. Tó pano Herode to bahuro Felipe namonore Herodiare namo tiha.

—M_u bah_u namonore namo tic_u Cohamac_u dutiare y_uhdar_ucai nica m_uh_u —ni yahumaha João Herodere.

To ã niri buhiri to namono Herodia Joãore peresu ti yoach_u cahmaha. 19 ã jiro ticoro sehe Joãore ñ_u tuhtiro, tirore wajã duti duamaha. ã yoa duaparota ticoro tirore wajã duti masieraha. 20 Herode Joãore cuiro, “João noaare yoariro, ñaa buhiri marieriro jira”, ni t_uhotuha. ã jiro Herodere cariboro yoaha João sehe tirore yahuro. ã to caribopach_uta tiro wahchea mehne t_uhomaha Joãore. 21 To ã wahchea mehne t_uhopach_uta Herodia tirore to wajã dutihti dacho m_u s_uha. Tí pjare Herode to masa bajuari dacho jich_u tiro bose n_um_u dahreha. ã jia to gobierno macaina, to surara p_uh_utoa, Galilea macaina p_uh_utoa c_uh_u to ya bose n_um_ure ñ_ua wihaha. 22 Ti ã wihiri baharo Herodia macono bose n_um_u ñ_uno wihiro ti ñ_urocaroi basa ñoha. To ã basa ñ_uoch_u ñ_ua Herode to pjirocaina mehne wahcheha. ã jiro õ sehe niha Herode ticorore:

—M_u cahmaare siniga y_uh_ure. ã jic_u waihtja m_uh_ure m_u cahmaare. 23 Cohamac_u mehne potocã nii nija m_uh_ure. M_u sinino puro y_u yare dacho macai waihtja m_uh_ure —niha tiro ticorore.

24 To ã nich_u t_uhoro ticoro Herodia macono sehe to pocoro cahap_u waha, õ sehe ni sinituha:

—¿Yabare sinicohcari y_uh_u? —ni sinituha ticoro to pocorore.

—João masare bautisariro dapure siniga —niha to pocoro.

²⁵ To ã nichuta ticoro Herodia macono ño duaro mehne puhtoro Herode cahapu waha, siniha:

—João masare bautisariro dapure waparo mehne waga yuhare —niha ticoro.

²⁶ To ã nichu tuhoro puhtoro Herode sehe tuaro cahyaha. Masa ti ñurocaroi “Waihtja muhare”, ni tuhsuha tiro. ã jiro buo tiro “Muhare waeraja”, ni masieraha ticorore. ²⁷ ã jiro dóihta surarare peresupu jiiinare cohtarirore João dapure cjã ta, na ta dutiha. ²⁸ To ã dutichu tuhoro surara sehe waha, to dapure cjã ta, waparo mehne na taha. Na ta tuhsu, nuhminore Herodia maconore waha. To ã wachu ticoro to dapure ñaha, to pocorore yuhdoha.

²⁹ ã jia João buheina sehe tíre tuhoa tópure waha, to pjacu cjirore na wahcã, tâcapu ti sahari copapu na sãa duhu payoha.

Jesu cinco mil bui masare chua waha

(Mt 14.13-21; Lc 9.10-17; Jn 6.1-14)

³⁰ ã yoa Jesu to warocarina to cahapu tju sua, ti yoarire ti buherire yahuha tirore. ³¹ Tí pjare masa payu ã majarerucua, tinare churo waeraha. ã jiro õ sehe niha Jesu tinare:

—Masa marienopu mari sahsero sosinina waha-jihna —niha tinare.

³² ã jia tina ti sahsero dohoria mehne masa marienopu wahaha. ³³ Ti ã wahachu ñua masa payu tinare masiha. ã masia payu macari macaina mahapu waha, Jesu to suhtopu tina masa sehe muroca wahcã su muhtaha. ³⁴ Ti ã suchu Jesu wahã su, busocapu sãariro majano, tiro masa payu

jiinare ñuha. Oveja pua marieina yoaro sehe jia tina masa, to ñuchu. Ñ jiro Jesu tinare pja ñuno, payu noaare buhea tiha tinare. ³⁵ Ñamichahapu doce buheina Jesu cahapu su õ sehe niha:

—Õ masa marienopu jira. Ñamichahapu jira. ³⁶ Õ cahacai jia macaripu daa macaricapu, bujua macaripu ti chuhtire nuchu dutiga masare ti puhu tihti cjihtire —niha tina Jesure.

³⁷ —Chuare waga tinare —nimaha Jesu to buheinare.

To ã nichu õ sehe ni yuhtihia:

—¿Dos cientos dachori dahrari wapa niñeru mehne ti chuhti paore nuchubocari sa? —niha tina Jesure.

³⁸ —¿Nohope curiri paõ curiri jijari? Ñuna wahaga —niha tiro.

To ã nichu tina sehe chuare boca õ sehe niha:

—Cã wamomaca pihtia curiri paõ curiri, puaro wahi jira —niha tina.

³⁹ Ti ã nichu tuhoro Jesu sehe pja curuari tja bui duji dutiha masare. ⁴⁰ To ã duji dutiri baharo tina pja curuari dujiha. Cãa curuari cincuenta masa jia. Paye curuari sehe cien masa jia.

⁴¹ Ti ã duji tuhsuchu ñuno Jesu sehe cã wamomaca pihtia curiri paõ curirire, puaro wahi mehne na, manopu ñuha. Ñ ñuno Cohamacure “Noana”, niha. To ã niri baharo paõ curirire nuha, to buheinare masare witi dutiro waha. Ñ yoa tuhsu, puaro wahire witi dutiha jipihtinare. ⁴² Ñ jia jipihtina chu, yapi yuhduha wahaha. ⁴³ Ti yapi wahyorire doce puhuse waro paõre, wahi cãhure na cahmachu wahpo dapoha tina. ⁴⁴ Ñ yoa paõre

chũina mũa dihtare ti quihõchũ cinco mil mũa jiha.
(Numia cãhũ, macanacã cãhũ tói chũina jiha.)

Jesu co bui ducu wahcãha
(Mt 14.22-27; Jn 6.16-21)

⁴⁵ Tí pjata Jesu to buheinare dohoriapũ samu duti, sie coapũ Betsaidapũ to pano pahãyu dutiha. ã jiro ti pahãri baharo Jesu sehe masare coha sitiha. ⁴⁶ Coha siti tuhsũ tãcũpũ Cohamacũre sinino wahaha. ⁴⁷ Baharo ñamipũ dohoriyai bũcũpariro dacho macai ti pahãrucuchũ Jesu cũirota ti pahã tariropũ jiha. ⁴⁸ Tópũ jiro, tina ñano yũhdũ ti wajachũ ti panoi wihnono tachũ ñũrocaha tiro. ã jiro bohrea mũja tahto pano tina cahapũ waharo co bui ducu wahcãha. Tinare tiro yũhdũ wahcã duamaha. ⁴⁹ To yũhdũ wahcã duapachũta tirore co bui to tachũ ñũa, “Yariariro cjiro jiboca”, ni tũhotumaha tina. ã ni tũhotua tina sañurucuha. ⁵⁰ Jipihtina tirore ñũa, ñũ cũa waha, sañurucuha. Ti ã ñũ cũachũ ñũno Jesu tinare õ sehe ni yahuha:

—Ne, yũhũre cuiena tjiga. Yũhũta jija —niha tinare.

⁵¹ ã ni tuhsũ tiro tina mehne dohoriapũ samua wahaha. To samuri baharocãta wihnono yũhdũa wahaha. To ã wahachũ tina sehe cũa yũhdũa wahaha. ⁵² To pão payũ yoarire wacũeraha tina. Tua yũhdũariro to jiare noano tũho ñahaeraha.

Jesu Genesare macainare, dohatiinare noaina wahachũ yoaha
(Mt 14.34-36)

⁵³ ã yoa tina pahã sũ, Genesare dihtapũ wahã sũ, tia dohoriare dũhte poho, dũhtũ cahapũ pahsaha.

54 ã yoa tina dohoriapɯ jiina ti majachɯta masa sehe Jesure ñɯ masiha. 55 ã ñɯ masia jipihtiro ti ya yahpapɯ mɯroca maja, dohatiinare ti coãa cahsari mehne yo wahcã, sɯha Jesu cahapɯ. “Jesu tóɖɯ jihre”, masa ti nichɯ tɯhoa to cahapɯ sɯha tina. 56 ã jia jipihtia macari to sɯa macaripɯ, bɯjɯa macaripɯ, daa macaricãɖɯ, pache duaina cahapɯ, masa dohatiinare ti cūnopɯ Jesure to suhtiro dɯhtɯ cahare ñaha ñɯ dua tuaró siniha tina:

–Mɯ suhtiro dɯhtɯ caha dihtare sãre ñaha ñɯ dutiga –ni siniha.

ã jia to suhtirore ñaha ñɯinape tópeinata noaina wahaa tiha.

7

Masa ñaina wahachɯ yoaare yahuha Jesu (Mt 15.1-20)

1 ã yoa Jerusalẽɖɯ tarina sã coyeyã judio masare buheina, fariseo curua macaina cūhɯ Jesu cahapɯ cahmachuha. 2-4 Fariseo curua macaina jipihtina paina judio masa cūhɯ ti ñɯchɯsɯma cjiripɯ ti yoa dutiriro seheta wamo cosaro marieno chɯera tiha. ã jia pache duaina cahapɯ waha, sɯ, majare tju wihiina cūhɯ ti yoa dutiriro seheta wamo cosaro marieno chɯera tiha. Payɯ paye dutia cūhɯre ti ñɯchɯsɯma cjiripɯ ti yoa dutiare yoaa tiha. Tasa waparire cosaa, dihi biatorire cosaa, comaa biatorire cosaa, yoaa tiha tina judio masa, “Cohamacɯ ã cahmana”, nia. ã jia sã coyeyã judio masare buheina, fariseo curua macaina cūhɯ Jesu cahapɯ cahmachua, Jesu buheina wamo cosaro

marieno ti chuchu ñuha. ⁵ Ñ ñu tuhsua Jesure ò sehe ni sinituha:

—M_u buheina ch_ua, mari ñ_uch_us_uma cjiri ti yoa dutiriro cjiro seheta ti wamomacarine wamo cosaerara. ¿Dohse yoa mari dutiare yoaerajari? — niha tina Jesure.

⁶ Ti ã nich_u t_uhoro Jesu ò sehe ni yahuha tinare:

—Masa ti baharo buhusehei ñano yoa cohtaina jira m_usa. Panop_ure Cohamac_u yare yahu mahtariro cjiro Isaia potocãta yahuro niri jira m_usa yoaro sehe t_uhoerainare. Ò sehe ni yahu, joaa tiha tiro:

“Ahrina masa y_uh_ure noano durucupahta ti t_uhotuap_u y_uh_ure ne ño payoerara.

⁷ Ñ jia y_uh_ure ti ño payoa yaba cjihti jierara. ‘Cohamac_u ya dutia jira ahri’, ni mahño buhera ti ya buhea sehere”,

ni joaha Isaia cjiro. ⁸ Tí potocã tjira. Cohamac_u ya dutia sehere duhu, masa ti yoa dutia sehere cohtota yoa y_uhd_ur_uc_u s_ua tira m_usa. ⁹ Cohamac_u ya dutiare cohãna, m_usa coyea ya dutia sehere yoara m_usa. ¹⁰ Ò sehe yoana Cohamac_u ya sehere y_uhd_ur_uc_uana nina m_usa: Panop_ure ò sehe niha Cohamac_u Moise cjiro to joariro seheta: “M_usa p_uc_us_umare ño payoga. Cãiro to p_uc_us_umare ñano quti dahreriro jiro tí buhiri ti wajãhtiro cjihto jirohca”, niha Cohamac_u Moise cjirore to cãri dutiai. ¹¹ To ã nipach_uta ò sehe yoa dutira m_usa ti p_uc_us_umare yoadoho dutierana: Ti p_uc_us_umare ti waborire Cohamac_u sehere wa dutira m_usa. Ñ ni buhemana m_usa. ¹² Ñ buhena ti p_uc_us_umare ño payoch_u yoaerara m_usa tinare. ¹³ Ñ yoana

Cohamacu dutiare yuhdurucana nina musa mari ñuchusuma cjiri ya dutia sehere yoana. Painare musa buhea dihtare taho dutira musa. Payu tó sehe jiare yoara musa —niha Jesu tinare.

¹⁴ Ñ ni tuhsuro paina cãhure pjirocaha tiro. Õ sehe niha tinare:

—Musa jipihtina yuhure tuhona taga. Tuhsu yu niare noano taho ñahaga musa. ¹⁵ Musa duserire sãa sehe musa chua sehe musare buhiri tichu yoerara. Ñaare musa tãhotua sehe musare ñaina jichu yoara. ¹⁶ [Yuhure noano tuhoga musa] —niha Jesu.

¹⁷ Tinare ã ni yahu tuhsu Jesu masa cahapu jiriro cjiro waha, wuhuru sãa wahaha. Ñ to sãa suchu ñua to buheina sehe to buherire sinitu ñua. Ti ã sinitu ñuchu tuhoro õ sehe niha tiro:

¹⁸ —¿Musa cãhu ne taho ñahaerasinijari tíre? Musa duserire sãa sehe musa chua sehe musare ñaina jichu yoerara, Cohamacu to ñuchu. ¹⁹ Tí musa tãhotuapure sãerara. Musa pjaroru sãa su, yuhdu wijaa wahara —niha Jesu.

Ñ nino “Jipihtia chua noaa jira”, nino niha. ²⁰ Ñ yoa õ sehe ni namoha tjoa:

—Musa ñaa durucua sehe musa duseri wijaa sehe musare ñaina jichu yoara, Cohamacu to ñuchu. ²¹⁻²² Ñano tãhotua, numia mehne ñano yoarucua, yaca, masare wajãa, namo tirioru jiparota pacorore manu tiricorore wãana tia, pairo yare turo cjoa, ñano yoaa, mahñoa, buo tiro marieno ñaa yoaa, paina ti cãaare ñu yabia, ñano quiti dahrea, “Painare yuhdurucaja”, ni tãhotua, taho masieraina jia, tí jipihtia musare musa tãhotuapure tara. ²³ Jipihtia ahri ñaa musa tãhotuapure taa,

m̄sare ñaina jich̄u yoara, Cohamac̄u to ñ̄uch̄u — niha Jesu.

*Judio masono jieraricoro Jesure wacũ tuaha
(Mt 15.21-28)*

²⁴ ã ni tuhs̄uro Tiro wama tiri maca cahap̄u, Sidõ wama tiri maca cahap̄u s̄uro tó macari w̄h̄up̄u s̄ãa wahaha. ã s̄ãahno painare to jiri w̄h̄ure yahu dutieraha. ã yahu dutieraparota tinare tiro duhti masieraha. ²⁵ Tí pjareta numino to macono wat̄ino to cohtotaricoro to cahai jiha. ã jia Jesu yoarire ñ̄ua paina to pocorore yahuha. Ti ã yahuri baharo to pocoro sehe waha, Jesu dahpori cahap̄u na tuhcuca caha s̄h̄a tirore ño payoro. ²⁶ Ticoro Sirofenicia wama tiri yahpa macaricoro jiha.

—Wat̄inore cohã wiosiniga ȳu macore —ni siniha ticoro Jesure.

²⁷ To ã sinich̄u t̄uhoro õ sehe niha Jesu:

—Wahmanore w̄h̄u p̄uro pohna ya ch̄uare dieyac̄e ȳu wa m̄htach̄u tó wahaerara. Israe masa yare pa yahpa macainare ȳu wa m̄htach̄u tó wahaerara —niha Jesu ticorore piti dahre yahuro.

²⁸ —ã tjira p̄h̄toro. ã jipach̄uta dieyac̄ã c̄h̄u mesa docai ti pohna ti ch̄u site boroare ch̄u cohtara tinac̄ã c̄h̄u. (Pa yahpa macaricoro ȳu jipach̄uta ȳh̄u c̄h̄ure yoadoho masina m̄h̄u) —ni ȳhtiha ticoro.

²⁹ —M̄u ã ni ȳhtich̄u m̄u macore wat̄ino wijaa tuhs̄h̄re. ñ̄uco wahaga —niha Jesu ticorore.

³⁰ To ã nich̄u t̄uhoro majare tjuaa, to w̄h̄up̄u tju s̄uro, to maconore wat̄ino marienicorore camap̄u jiricorore ñ̄ua.

*Cahmono t̄hoeraritore, durucu masieraritore
noariro wahach̄a yoaha Jesu*

³¹ Tí pjare Jesu Tiro wama tiri maca cahap̄a jiriro waha, Sidō wama tiri macare s̄a ȳhd̄a wahc̄ā, Decapoli wama tirop̄a jia macarine s̄a ȳhd̄a wahc̄ā, Galilea wama tiri b̄ac̄parirop̄a s̄aha j̄na. ³² Ā jia cahmono t̄hoeraritore, noano durucu masieraritore Jesu cahap̄a na wihaha paina.

—M̄a wamomaca mehne ña payoga tirore —ni siniha tina tirore.

³³ Ti ã nich̄ata Jesu sehe t̄hoeraritore na wahc̄ā, masa marienop̄a s̄aho s̄aha. Ti sahsero jiha. Tuhs̄a, Jesu to wamo picari mehne t̄hoerariro cahmo coparire be s̄oha. Ā yoa tuhs̄a, chahcho puti, to ñahmanore ña payoha.

³⁴ Ā yoa tuhs̄a m̄anop̄a ñ̄a m̄o, yajeri na, ò sehe niha:

—Efata —niha Jesu. (“Efata” nino, “Pjōohga”, nino nina. Ā nino tirore t̄ho dutiro niha. Ā nino noano durucu dutiro niha.)

³⁵ To ã nich̄ata tiro sehe t̄ho boca, to ñahmano bidaro wahach̄a t̄hoturo noano durucuha. ³⁶ Ā jiro Jesu tinare tíre painare yahu site dutieraha. To ã yahu site dutierach̄a t̄hopahta tina sehe painare yahu site namoha. ³⁷ Ā jia masa t̄ho c̄a ȳhd̄a waha, ò sehe niha:

—Jipihtiare tiro noano yoara. T̄hoerainare noano t̄hoch̄a yoara. Durucu masieraina c̄ah̄are noano durucuch̄a yoara Jesu —niha masa.

8

*Cuatro mil bui masare chware waha Jesu
(Mt 15.32-39)*

¹ Tí pjare pari turi masa payu ti cahmachuri baharo chua maeraina ti jichu ñuno Jesu to buheinare pjirocaha:

² –Ahrina masa tia dacho waro yuhu mehne ji tuhsura. Ñ yoa tinare puhi mariahna. Ti puhi maerachu ñucu tinare pja ñuja yuhu. ³ Paina tina mehne macaina yoaropu tahre. “Tinapu jusa baaina mahai borari”, nicu tinare chua marieno ti wuhusepu waha duti duaeraja. Ñ jicu tinare puhi wa duaja –niha Jesu to buheinare.

⁴ –¿Dohse yoa mari õre masa marienopure pãore boca wabocari mari? –niha to buheina sehe Jesure.

⁵ –¿Nohope curiri pão curirire cjuajari musa? –ni sinituha Jesu.

–Siete curiri jira –niha tina.

⁶ Ti ã ni yuhtichu tuhoro, tiro masare yahpai duji duti, siete curirire pão curirire na, Cohamacure “Noana”, niha. Ñ ni tuhsu, tí curirire nuha, to buheinare wa, masare witi dutiha. To ã dutiri baharo to buheina sehe pãore masare witiha. ⁷ Ñ jia wahi cãhure mahainacã cjuaha tina. Ñ jiro tinare Cohamacure “Noana” ni, wahi cãhure witi dutiha. ⁸ Ti witi tuhsuchu tina chua, yapi yuhduu wahaha. Ti yapi wahyorire siete puhuse waro wahpo dapoha tina. Tina cuatro mil bui masa jiha. ⁹⁻¹⁰ Ñ yoa tuhsu Jesu masare coha sitiha. Coha siti tuhsu to buheina mehne dohoriapu samuha.

Samu tuhs_u Dalmanuta wama tiro cahap_u waha.

Fariseo curua macaina Jesure Cohamac_u tuua mehne yoa ño dutiha

(Mt 16.1-4; Lc 12.54-56)

¹¹ ã yoa fariseo curua macaina wihi, Jesu mehne cahma sayoha. Tina Jesure Cohamac_u tuua mehne yoa ño dutia, to yoa ño masierach_u ñ_u duamaha. ¹² Ti ã dutich_u t_uhoro Jesu cahyaro mehne yajeri sãano, õ sehe niha:

—¿M_usa mip_u macaina dohse yoana m_usa Cohamac_u tuua mehne yoa ñoare ñ_u duajari? Potocã niita nija m_usare. Mip_u macainare m_usare Cohamac_u tuua mehne ne yoa ñosi y_uh_u —niha Jesu.

¹³ ã ni tuhs_u waha, pari turi dohoriap_u samu, sie coap_u pahãa wahaha.

Fariseo curua macaina, Herode mehne macaina cãh_ure ñaare ti buheare yahuha Jesu

(Mt 16.5-12)

¹⁴ ã wahaa, pãore boa waha, dohoriai cã curita pãore cj_uaha tina. ¹⁵ ã yoa Jesu cuaro mehne yahuha tinare:

—Noano yoanohb_u. Fariseo curua macaina, Herode mehne macaina cãh_u ti pão bucuarore ñ_una noano yoaga. Cua nina tí —ni yahuha.

¹⁶ To ã nich_u t_uhoa tina to buheina sehe tíre ti basi õ sehe ni durucuha:

—Mari pãore mari na taerach_u ñ_uno ã nino nica ahriro —nimaha tina ti basi.

¹⁷ Ti ã nirire masino tinare õ sehe ni sinituha Jesu:

—¿Dohse yoana m̄sa p̄o borire wacũjari m̄sa?
¿M̄sa masierasinijadi? ¿T̄ho ñahaerasinijadi?
¿T̄ho duaerajari m̄sa? ¹⁸ ¿Capari tiina jipanahta
ñ̄erajari m̄sa? ¿Ã jina cahmori tiina jipanahta
t̄hoerajari m̄sa? ¿M̄sa ahrire wacũerajari?
¹⁹ ¿Ȳh̄ c̄ wamomaca p̄htia p̄o curirire nuha,
cinco mil bui masare ȳ warire wacũerajari m̄sa?
¿Ti yapi wahyorire nohope p̄h̄sere p̄o curirire
wahpo dapori m̄sa? —niha Jesu tinare.

—Doce p̄h̄se —ni ȳhtiha tina tirore.

²⁰ —¿Ã yoa ȳh̄ siete curirire p̄o curirire
cuatro mil bui masare ȳ wari baharo nohope
p̄h̄sere p̄o curiri wahpo dapori m̄sa? —niha
Jesu.

—Siete p̄h̄se —ni ȳhtiha tina tirore.

²¹ —¿Ã ñ̄panahta noano t̄ho ñahaerasinijadi
m̄sa? —niha Jesu tinare.

Jesu capari ñ̄erarirore ñ̄ch̄ yoaha

²² Ã yoa tina Betsaidap̄ ti s̄ch̄ ñ̄a, masa sehe
capari ñ̄erarirore na wihiha.

—Tirore ña payoga —ni, tuaro siniha tina Jesure.

²³ Ti ã sinich̄ t̄horo, Jesu capari ñ̄erariro
wamomacare ñaha, tí maca d̄ht̄ cahap̄ tirore
t̄ã wahc̄ha. T̄p̄ na s̄, to caparire chahcho puti,
to wamomacari mehne tirore ña payoha.

—¿M̄ ñ̄ch̄ bajujari? —ni sinituha Jesu.

²⁴ To ã nich̄ tiro sehe ñ̄no, õ sehe niha:

—M̄are ñ̄ja. Ȳ ã ñ̄pach̄ta tina yuc̄ari tinia
yuc̄a yoaro sehe bajura —niha capari ñ̄erariro
c̄joro.

²⁵ To ã nich̄ t̄horo Jesu sehe to wamomacari
mehne to caparire ña payoha tjoa. To ã ña payori

baharo capari ñuërariro cjiro tuaro to ñuchu to capari noano bajuha. ã yoaro jipihtiare noano ñuha tiro. ²⁶ To ã ñu masichu ñuno, Jesu tirore to wuhupu warocaha.

—Macapu pinihtare wahi tjiga —niha Jesu tirore.

“Jesu potocã Cristo, Cohamacu to warocariro jira”, ni yahuha Pedro

(Mt 16.13-20; Lc 9.18-21)

²⁷ ã yoa Jesu to buheina mehne Cesarea Filipino wama tiri maca cahi jia macaripu waha namoha. Tôpu ti waharo wato, Jesu õ sehe ni sinitu ñuha to buheinare:

—¿Diro baro jicari yuhu masa yuhare ti tuhutuchu? —ni sinitu ñuha tiro tinare.

²⁸ To ã sinitu ñuchu tuhõa õ sehe ni yuhtiha tina:

—“João masare bautisariro cjiro jira”, nina paina. Paina “Elia jira”, nina. Paina “Cohamacu yare yahu mhtëaina cjiri mehne macariro jira”, nina mähare —ni yuhtiha to buheina tirore.

²⁹ Ti ã ni yuhtiri baharo Jesu õ sehe ni sinitu namoha tinare:

—¿Musa sehe musa tuhutuchu diro baro jicari yuhu? —ni sinitu ñuha tjoa.

—Muhu Cristo Cohamacu masare yuhdo duti to warocariro jira —ni yuhtiha Pedro.

³⁰ To ã nichu tuhoro Jesu õ sehe niha:

—Yuhare “Cristo jira tiro”, ni yahu sitesiniena tjiga painare —niha tinare.

Jesu to yariahtore, to masa wijaahõ cühare yahuha

(Mt 16.21-28; Lc 9.22-27)

³¹ Tinare to ã ni sinitu ñuri baharo, ò sehe ni buhe ducaha tiro:

—Yuhũ masũno Cohamacũ warocariro jija. Ñ jicũ tuaro ñano yũhdũcũhca. Ñta waharo cahmana yũhũre. Mari coyea judio masa, bucũna, sacerdotea pũhtoa, mari judio masare buheina yũhũre cahmaeraa, yũhũre wajã dutiahca. Ti ã wajãchũ tia dacho wahaboroi masa wijaaĩhca —niha Jesu tinare.

³² Ñ nino ne tũho wisiachũ yoaro marieno yahuro niha tinare. To ã nichũ tũhoro Pedro sehe pa sehe curerocã Jesure narũcũ sũ, tirore ã ni dutieraha. ³³ To ã ni dutierachũ tũhoro Jesu to buheinare majare ñũ, tuhtiha Pedrore:

—Satana yoaro sehe durucui nina mũhũ. Ñ nii tjiga. Mũ tũhotua masa ya jira. Cohamacũ ya jierara —niha tiro Pedrore.

³⁴ Ñ ni tuhsũ masare to buheina mehne tiro cahapũ pjiroca, ò sehe niha:

—Cũiro yũ yairo ji duaro, to cahmano yoa duamarire duhunocanohca. Ñ jiro crusapũ yũ ñano yũhdũhtiro seheta tiro yũ yairo to jiri buhiri ñano yũhdũparota yũhũre duhusi. Ñ jiro yũ yare yoarucuriro jirohca. ³⁵ Masũno to mũ sũro to cahmano seheta yoariro pichacapũ tiro waharohca. Ñ yoa masũno yũ yare ã yoarucuro, noaa buheare ã yoarucuro, jipihtia dachoripe yũhũ mehne mũanopũ jirucurohca. ³⁶ ¿Cũiro masũno ahri yahpa macaare jipihtiare cjũariro pichacapũ waharo yabare wapatajari tiro? Ñ jiro ne wapataerara. ³⁷ Pichacapũ to wahachũ ne dohse wapa wiohto basioerara. Masũno to jia tia wiho

waro jierara. ³⁸ Mipure ñaina, Cohamacure cahmaeraina ti m_u s_uro ti yoari dacho jiro nina. Cãina y_u wamare, y_u buheare ni dua b_uo tiboca. Ti ã yoach_u ñ_ucs_u y_uh_u mas_uno Cohamac_u warocariro noaina anjoa mehne y_u P_ucs_u to si sitero mehne tjua tac_u y_u wamare ni duapahta b_uo tiinare b_uo tisãaihca y_uh_u cãh_u –ni yahuha Jesu.

9

¹ ã ni tuhs_u õ sehe ni namoha Jesu:

–Potocãta niita nija m_usare. Cãina m_usa õp_ure jiina m_usa yariahto pano p_uhtoro Cohamac_u to s_uho jirop_ure y_u sãach_u y_uh_ure ñ_unahca –niha Jesu tinare.

Jesu to pjac_ure cohtotaha (Mt 17.1-13; Lc 9.28-36)

² ã yoa seis dachori baharo Jesu Pedrore, Santiagore, ã yoa Santiago bah_uro João cãh_ure m_uad_u tãc_up_u tina dihtare pji m_ujaha. M_uanop_u ti m_uja s_uri baharo ti ñ_urocaroi to pjac_ure cohtotaha. ³ To suhtiro noano si sitero, noano yehseri suhtiro wahaha. Ahri yahpa macaa numia suhti cosaa numia ã yehsech_u yoa masierara. ⁴ ã jia Elia cjiro, ã jich_u Moise cjiro mehne Jesu mehne ti s_uh_uduch_u ñ_uha tina tiaro Jesu buheina. ⁵⁻⁶ ã jia tina tuaro cuiha. ã cuiro dohse ni masieramahno õ sehe nimaha Pedro:

–P_uhtoro, mari õi jich_u noa duara. Tia w_uh_ucã yoanahtja sã. M_u ya w_uh_ucã, Moise ya w_uh_ucã, Elia ya w_uh_ucã yoanahtja –nimaha tiro Jesure.

⁷ To ã niri baharocãta, me curua ti bui duji pja sãha. To ã duji pja sãchũta, me curua watoi õ sehe nino coa taha:

—Ahriro yũ macũ yũ cahĩiro jira. Tũhoga tirore —nino coa taha.

⁸ ã nino coa tachũta Pedro cãhũ ñũrocamaha. Jesu dihtare ñũha. Ti ñũrina cjiri sehe mariaha jũna. ⁹ ã jiro tãcũpũ ti duji tachũ Jesu tinare õ sehe ni yahuha:

—Michapucacã yũhũre ã waharire painare yahuenta tjiga. Yũhũ masũno Cohamacũ warocariro yũ yaria masa wijaari baharo tíre painare yahuga mũsa —ni yahuha tiro.

¹⁰ ã jia to dutiriro seheta tina ti ñũrire yahueraha painare. ã jia tina ti basi õ sehe ni sinitu durucuha:

—“Yũ yaria masa wijaari baharo” nino, ¿dohsearo ã niri tiro? —ni durucuha tina.

ã jia Jesure õ sehe ni sinituha:

¹¹ —“Cristo to tahto pano Eliare ta mũhtano cahmana”, nina mari coyeya judio masare buheina. ¿Dohse jiro baro ã nijari tina? —ni sinituha tina tirore.

¹²⁻¹³ Jesu õ sehe ni yũhtiha:

—Potocã tjira. Eliare ta mũhta dutire Cohamacũ, jipihtiare cahno mũhtahtiro cjihtore. Yũhũ masũno Cohamacũ warocariro payũ tahari ñano yũhdũihca. Paina yũhũre cahmaeraa, ñano yoaahca. ¿Tí cãhũre masijari mũsa? ã jicũ ahrire nihtja mũsare: Elia wihi tuhsũre. To ã wihipachũta tina ti cahmariro seheta tirore ñano yoaha. ãta ni joaha tirore —niha Jesu tinare.

Jesu wahma wahmua taritore noariro wahachu yoaha

(Mt 17.14-21; Lc 9.37-43)

¹⁴ ã yoa duji ta, paina buheina cahapu su, payu masare ñaha Jesu. To buheina sehe judio masare buheina mehne cahma sayoa niha. ¹⁵ ã jia Jesu cãhu ti duji tachu ñua, jipihtina masa cãaa waha, tiro cahapu marocaa wahaha. Tiro cahapu sua:

—¿Tamajari? —niha tirore.

¹⁶ —Tamaja —ni tuhsu—, ¿dohse ni cahma sayona niri musa tina mehne? —ni sinituha Jesu to buheinare.

¹⁷ To ã ni sinituchu tãhoro, masa watoi ducuriro õ sehe ni yahuha tirore:

—Buheriro, yu macure watino to cohtotaritore mahure na tamahi. Watino sehe tirore durucu dutierara. ¹⁸ Yu macure to ñahachu yahpau bora, bahca diho, bãhaa waha tire tiro. ã waharo sahpo tua tire. ã jicu mu buheinare watinore cohã wio dutimahi. Yu ã dutipachuta tina sehe cohã wio masierare watinore —ni yahuha Jesure.

¹⁹ To ã nichu tãhoro Jesu õ sehe niha tinare:

—Ne, yuhure wacũ tuaerara musa. Yoabiari pja musare buhemaja yãhu. ¿Noho puro yoari pja yuhure musa caribobocari? Tirore na tahga yuhure —niha Jesu.

²⁰ To ã nichu tãhoa watino to cohtotaritore Jesu cahai na taha. Ti na wihichu ñuno watino sehe wahma wahmua taritore yahpau doca caha su, tunu teterechu yoaha. ã yoa sahpo tua wahaha.

²¹ —¿Noho puro yoari pja watino to cohtotariro jijari ahriro? —ni sinituha Jesu sehe to pũcũrore.

—Wihãrirocã jiroputa tiro watĩno to cohtotariro jira. ²² ã cohtotaro payu tahari watĩno sehe tireore pichacaru, copu cãhure cohã wajãmaha. ã jicu mahu yoa masicu sãre pja ñu, yoadohoga —niha to pucuro Jesure.

²³ To ã nichu tũhoro õ sehe niha Jesu:

—¿Dohsea jiro baro “Mahu yoa masicu”, nijari mahu yũhure? Yũhure mu wacũ tuachu ñũno, Cohamacu jipihtiare yoa pahño masina mahure yoadohobasaro —niha Jesu.

²⁴ To ã nichuta wahma wahmau tariro pucuro õ sehe ni sañurucuha:

—Mahure wacũ tuaja. Yu wacũ tuaerachu ñucu yũhure yoadohoga mahure yu noano wacũ tuahto sehe —niha tiro.

²⁵ ã jiro masa payu tina cahapu mucoca ta, ti cahmachuchu ñũno, Jesu watĩnore õ sehe ni tuhtiha:

—Mahu durucu dutierariro, tũho dutierariro ahrirore cohtotariro wijaahga. ã wijaacu tireore pari turi cariboi tjiga —niha Jesu.

²⁶ To ã nichu tũhoro watĩno sañurucu, wahma wahmau tarirore yahpapu doca caha su tunu teterechu yoa, wijaaha. To ã wijaachu wahma wahmau tariro yariariro yoaro sehe wahaha.

²⁷ —Tiro yariaa wahara —nimaha masa payu.

Ti ã nipachuta Jesu sehe to wamomacare ñaha, tireore wahcõha. To ã wahcõchu wahcãha tiro sehe.

²⁸ Baharo Jesu cãhu wũhupu ti sãa sũchu to buheina tireore õ sehe ni sinitu ñũha:

—¿Dohseana sã sehe watĩnore cohã wio masierari, mu tũhotuchu? —ni sinitu ñũha tina.

²⁹ —Ahriro baro watĩnore cohã wio duana Cohamacure tuaro sinino cahmana musare. [ã yoa

duana ch_u duhuro cahmana m_usare Cohamac_ure sinina tana] –ni y_uhtiha Jesu tinare.

Pari turi Jesu to yariahtore, to masa wijaahcore yahuha

(Mt 17.22-23; Lc 9.43-45)

³⁰ ã yoa tó_p_u jiina waha, Galilea yahpap_u s_u, y_uhd_uaha. Tó_p_u ti waharire paina ti masich_u cahmaeraha Jesu to buheinare buhe duaro. ³¹ Tó_p_u s_uro to buheinare buhea tiha. Õ sehe ni buheha:

–Y_uh_u mas_uno Cohamac_u warocariro jija. Masa y_uh_ure ñaha, painap_ure y_uh_ure waahca. Ti ã wari baharo y_uh_ure waj_uahca tina. Ti ã waj_uric_u tia dacho wahaboroi masa wijaa_uihca –niha tinare.

³² To ã nich_u t_uhoa tina noano t_uhoeraha. ã jia cuia tirore tíre sinitu ñ_u namoeraha.

Jesu buheina tina mehne macarirore p_uhtoro sō duaa nimaha

(Mt 18.1-5; Lc 9.46-48)

³³ ã yoa tina Capernaup_u ti s_uri baharo w_uh_up_u ti jich_u Jesu sehe ò sehe ni sinituha tinare:

–¿Mahap_ure tana, dohse ni durucu tana niri m_usa? –ni sinituha tinare.

³⁴ To ã nich_u tina y_uhtieraha. Mahap_ure taa, cahma ò sehe ni durucu taa niha:

–¿Mari mehne macarirore diro sehere mari p_uhtoro sōnahcari mari? –ni durucua niha mahai tarucua.

³⁵ ã jia ti ã nire b_uo tia Jesure y_uhtieraha. Ti ã y_uhtierach_u ñ_uno Jesu nuju s_u, to buheinare doce buheinare pjiroca ò sehe niha:

–M_usa p_uhtoa ji duana jipihtina masa ti cahamaca jiro cahmana m_usare. Tuhs_u, wiho jiina jipihtina docai jinahca m_usa –niha Jesu tinare.

³⁶ ã nino nijinocãre tina watoi duhu dapoha. Duhu dapo tuhsu tirocãre na wua, õ sehe ni yahuha:

³⁷ –Yu yare yoa duana ahrirocãre musa cahmana, yuhu cãhure cahmana musa. ã yoa yuhure cahmana, yuhure warocariro mari Pucu cãhure cahmana musa –niha Jesu tinare.

Marine ñu tuhtiriro jieraro, mari mehne macariro jira

(Mt 10.42; Lc 9.49-50)

³⁸ Baharo João õ sehe niha Jesure:

–Buheriro, mu wama mehne mu tuaa mehne wafiare cohã wiorirore sã ñuhi. Tiro mari mehne macariro to jierachu ñuna tãre tirore yoa dutiera tihã sã –niha tina.

³⁹ Ti ã nichu tuhoro Jesu tinare õ sehe ni yahuha:

–ã niena tjiga musa tirore. Cãiro yu wama mehne Cohamacu tuaa mehne yoaro, baharo yuhure ñano ni durucu masierara. ⁴⁰ Marine ñu tuhtiriro jieraro, tiro mari mehne macariro jira.

⁴¹ Musare potocãta nii nija. Yu yaina musa jichu ñua paina musare ti yoadohochu ñuno Cohamacu tinare noano yoarohca. Core musare ti sihõchu mahanocã ti wapachuta tinare noano yoarohca Cohamacu ti ã yoari wapa –niha Jesu tinare.

Ñaare yoachu cua nina

(Mt 18.6-9; Lc 17.1-2)

⁴² ã yoa Jesu õ sehe ni yahu namoha:

–Ahrirocã sehe jirirore yuhure wacũ tua ducarirore yahuihtja musare. Pairo ahrirocã sehe jirirore ñaare yoa dutiro tiro ñabiaro yuhdurohca. Cãirore to wamapũ pjiria tãcare dũhte yo, pjiri

mapu tirore ti cohãchu ñano wahaboa tiro. Ñ jiro ahrirocã sehe jirirore ñaare yoa dutiriro tiro sehe pjiri mapu ti cohãriro yuhdoro ñano yuhdurohca.

43-44 'Mu wamomaca mehne ñano yoacu tí wamomacare mu dute cohãboro seheta tí mu ñaa yoaa sehere duhuga. Tíre duhueracu pichacapu wahai-hca. Tópu ne pichaca yatierara. [Ñ yoa dachoa ne yarierara.] Mu wamomacare mu cohãchu tí si dihta butiboa. Tuhsu, muhu sehe ã si jipaihta baharo Cohamacu mehne jiihca. Puu wamomaca mehne pichacapu wahacu mu ã wahachu ñaa yuhduaboa muhure. Ñ jicu tí mu ñaa yoaa sehere duhuga.

45-46 'Mu dahporo mehne ñano yoacu tí dahporo cãhure mu dute cohãboro seheta tí mu ñaa yoaa sehere duhuga. Tíre duhueracu pichacapu wai-hca. [Tópu ne pichaca yatierara. Ñ yoa dachoa ne yarierara.] Mu dahporore mu cohãchu tí si dihta butiboa. Tuhsu, ã si jipaihta baharo Cohamacu mehne jiihca. Puu dahporo mehne pichacapu wahacu mu ã wahachu ñaa yuhduaboa muhure. Ñ jicu tí mu ñaa yoaa sehere duhuga.

47-48 'Mu capariaca mehne ñano yoacu tiare orewe mu cohãboro seheta tí mu ñaa yoaa sehere duhuga. Tíre duhueracu pichacapu wai-hca. Tópu ne pichaca yatierara. Ñ yoa dachoa ne yarierara. Tiare mu cohãchu tia dihta butiboa. Cũ buhusehe capariaca mariapaihta baharo Cohamacu mehne jiihca. Puu capariaca mehne pichacapu wahacu mu ã wahachu ñaa yuhduaboa muhure. Ñ jicu tí mu ñaa yoaa sehere duhuga.

49 'Ahri yahpai jina ñano yũhdũnahca mũsa. Pichacapũ mari jũchũ marine purĩno seheta ñano yũhdũnahca mũsa. 50 Moa noano coara. Moa coerachũ, coa yoahito basioerara. Moa coeraro tí moa ne noaerara. Tí moare dohseahito basioerara. Moa noano to coaro seheta mũsa cũhũ ji coaina jiga. Tuhsũ, paina mehne noano mehne jiga —ni yahuha Jesu tinare.

10

Ti namosãnumiare cohãare yahuha Jesu (Mt 19.1-12; Lc 16.18)

1 ã yoa tiro tórpũ jiriro waha, Judea yahpa cahapũ sũ, Jordão wama tiri ma pa buhũsehe coapũ sũha. Tórpũ to sũchũ ñũa masa payũ tiro cahapũ cahmachuha tjoa. Ti ã cahmachuchũ ñũno tó pano to buheriro seheta pari turi buheha tjoa. 2 To ã buhero watoi fariseo curua macaina wihiha. Jesure ñano to durucuchũ tũho duamaha tina tirore yahusã duaa. ã tũho duaa tina Jesure õ sehe ni sinitu ñũha:

—¿Mari namore cohãchũ noabocari? ¿Mari dutia sehe tó seheta yoa dutijari, mũ tũhotuchũ? —ni sinitu ñũha tina.

3 —¿Dohse yoa dutiri Moise cjiro mũsare? —ni yũhtiha Jesu.

4 —“Mũ namore cohã duacũ papera pũi tíre joaga. ã joacũ tí pũre mũ namore mũ wari baharo ticorore cohã masina mũhũ”, ni joaa tiha Moise cjiro —ni yũhtiha fariseo curua macaina sehe.

5 Ti ã nichũ tũhorõ õ sehe ni yahuha Jesu:

—Cohamacu dutiare musa yoa duaerachu ñano ã ni joaa tiha Moise cjiro. ⁶ To ã ni joariro jipachuta ahri yahpare bajuamehneriro mano, numino cãhare yoaha. ⁷ ã jiro mano to pucsumare cohã wijaa, to namono mehne jirohca. ⁸ ã jia tina puaro jipahta cã pjacu yoaro sehe jira. Tina puaro yoaro seheta jierara. Cã pjacu yoaro sehe jia nina. ⁹ Cohamacu to wamomaca dũhte dutiina jira. ã jia tinare duhueraro cahmana —niha Jesu tinare.

¹⁰ ã ni tuhsu tiro to buheina mehne wuhuru sãa wahaha. Wuhuru sãa sua, ti namosãnumiare cohãare to buheina sinitu ñuha tjoa tirore. ¹¹ Ti ã sinitu ñuchu tiro õ sehe ni yũtiha:

—To namonore cohãriro pacorore namo tiro, pacoro mehne ñano yoariro jira. ã jiro to cohãricorore ñano wahachu yoaro nina. ¹² ã yoa numino sehe to manonore cohãno, paioire manu tiro, tiro mehne ñano yoaricoro jira —niha Jesu tinare.

Macanacã ya cjihtire Cohamacure sini payoha Jesu

(Mt 19.13-15; Lc 18.15-17)

¹³ ã yoa macanacãre Jesure ña payo dutia taa tinacãre Jesu cahapu na taa tiha. Ti ã na tachu ñua to buheina sehe tinacãre na tainare tuhtia. ¹⁴ Ti ã tuhtichu ñano Jesu suaha tina mehne. ã suaro õ sehe niha tinare:

—Macanacã yu cahapu tajaro. “To cahai wahæna tjiga”, niena tjiga tinacãre. Tinacã Cohamacure ti puhtoro tuhotura. Puhtoro Cohamacu to suho jiina ahri nacã yoaro sehe tuhotuina baro dihta jira. ¹⁵ Potocã niita nija musare. Ahri nacã Cohamacu ti puhtoro cjihtore cahmana. Ti

yoaro seheta m̄sa c̄h̄ Cohamac̄ m̄sa p̄h̄toro cjihtore cahmaerana, p̄h̄toro Cohamac̄ to s̄ho jihtina ne jisi m̄sa –niha Jesu.

16 ã ni tuhs̄ Jesu macanac̄re na w̄ha tjiãhno, tinac̄re ña payoro, õ sehe niha:

–Ahrinac̄ noainac̄ wahajaro –ni sini payoha Cohamac̄re.

*Pache p̄uro Jesure sinitu ñ̄ha
(Mt 19.16-30; Lc 18.18-30)*

17 ã yoa Jesu mahai to waharucuch̄ paio sehe m̄roca wihi, to dahpori cahap̄ na tuh̄cua caha s̄ha tirore ño payoro.

–¿Ne, noariro buheriro, ȳh̄ jipihtia dachoripe Cohamac̄ mehne ã jirucu duac̄ dohse yoac̄h̄cari ȳh̄? –niha tiro Jesure.

18 To ã nich̄ Jesu õ sehe ni ȳhtiha:

–¿‘Noariro’ ni pisujari m̄h̄ ȳh̄re? Noariro sehe Cohamac̄ dihta jira. 19 Ahri Cohamac̄ dutiare masina m̄h̄: Masare wajãena tjiga. Namo tirirop̄ paye numia mehne jiena tjiga. Yacaena tjiga. Mah̄noa mehne paioire yahusãena tjiga. Paina yare mah̄no naena tjiga. M̄sa p̄c̄s̄mare ño payoga. Ahri dutiare yoaihca m̄h̄ –ni yahuha Jesu tirore.

20 –Buheriro, ȳh̄ tí jipihtiare wahma wahm̄a tariro jip̄ta ȳh̄d̄caera tihi ȳh̄ –niha tiro Jesure.

21 To ã nich̄ t̄horo Jesu sehe tirore cah̄a mehne ñ̄roca õre. ã ñ̄roca õno, õ sehe niha:

–Mahanoc̄ d̄hsara m̄h̄re m̄ yoa pah̄ohto. Jipihtiare m̄ yare duai wahaga. ã yoac̄ jipihtia m̄ wapatarì niñerure p̄j̄oinare waga. M̄ ã

yoach_u pay_u m_u ya noaa m_uanop_u, Cohamac_u cahap_u jiyuahca. M_u ã yoari baharo y_uh_u mehne macariro cjihto taga –niha Jesu tirore.

²² To ã nich_u t_uhoro tiro sehe pay_u pache c_uariro jiro tíre p_uac_uoinare wa duaeraro, cahya, jicoaeraa, wahaa wahaha.

²³ To ã cahyach_u ñ_uno Jesu majarer_uch_u s_uro, to buheinare ñ_uroca ò, ò sehe niha:

–Pache p_ua p_uhtoro Cohamac_u to s_uho jirop_ure ti waha duach_u mijobiara –niha tinare.

²⁴ To ã nich_u t_uhoa tina sehe tíre t_uho c_uaa wahaha. Á ni tuhs_u Jesu pari turi ò sehe ni yahu namoha tinare:

–Coyea, jipihtina [Cohamac_ure wac_uño marieno “Mari m_u s_uro mari c_uaa mehneta noano y_uhd_unahca”, ni t_uhotuina pache p_ua] p_uhtoro Cohamac_u to s_uho jirop_ure ti waha duach_u mijobiara. ²⁵ Camello sehe awicã copacãre to sãa nuhri wijaa duach_u basioerara. To ã jiro y_uh_uoro pache p_uro p_uhtoro Cohamac_u to s_uho jirop_ure to waha duach_u nu mijobiara –ni yahuha Jesu tinare.

²⁶ To ã nich_u t_uhoa tina sehe t_uho c_ua y_uhd_ua waha, ti basi ò sehe niha:

–Cue, to nino seheta potocã jich_u ne cãiro mas_unore y_uhdoeraboca Cohamac_u –niha tina ti basi.

²⁷ Ti ã nich_u t_uhoro Jesu tinare ñ_uroca ò, ò sehe niha:

–Masa ti basi ti m_u s_uro y_uhd_u masierara. Wiho mejeta Cohamac_u sehe masare pichacap_u waha-borinare y_uhdo masina. Tiro jipihtiare noano yoa masi pahñoriro jira –niha Jesu tinare.

²⁸ To ã nichu Pedro tirore õ sehe niha:

—Tuhosiniga. Sã sehe jipihtia sã yare cūnoaa tii mahu mehne tana —niha tiro Jesure.

²⁹ To ã nichuta Jesu õ sehe niha:

—Potocã niita nija musare. Noaa buheare, yu yare yoana tana yuhure ño payona tana musa wuhusere, musa bahanare, musa pocusānumiare, musa pohinare, musa weserire cūnocarina jina, pjíro wapatanahca musa mipure. ³⁰ ã yoana musa wuhuserire, musa bahanare, musa pocusanumiare, musa pohinare, musa weserire, tó pano musa cjuariro yuhdoro mipure payu cjuannahca musa. ã yoa paina musare ñano yoaahca. ã jina baharopure pa turupu jipihtia dachoripe Cohamacu mehne jinahca. ³¹ Mipure payu puhtoia jirina cjiri tí pjarure wiho jiina tjuanocaahca. ã yoa mipure payu wiho jiina jirina cjiri tí pjarure puhtoia cohtotaahca tjoa —ni yahuha Jesu tinare.

Pari turi Jesu to yariahtore, to masa wijaahcore yahuha

(Mt 20.17-19; Lc 18.31-34)

³² ã yoa tina mahapu maja, Jerusalēpu mujaa niha. Jesu ti panocã mu tãha. ã to mu tãchu ñua to buheina ñu cuaa wahaha. ã yoa ti baharo nunu tiina sehe cuiro mehne nunu tiha. ã yoa Jesu doce to buheinare ti sahsero naaha tjoa. ã naa tuhsu, masa tirore ti dohse yoahcore Jesu yahu ducaha tinare:

³³ —Tuhoga yuhure. Mipure Jerusalēpu wahana nija mari. Tópu masa yuhure masunore Cohamacu warocarirore ñaha, painapure yuhure waahca. Sacerdotea puhtoare, mari coyea judio masare

buheina cūhure yūhure waahca. ã jia yūhure wajã dutiahca tina. ã wajã dutia judio masa jieraina sehere yūhure waahca. ³⁴ Ti ã wari baharo tina sehe yūhure bujape, chahcho puti sihõ, tjana, wajãahca. ã yoa yū yariari baharo tia nūmū wahaboroi masa wijaaihca –ni yahuha Jesu tinare.

*Santiago João mehne Jesure siniha
(Mt 20.20-28)*

³⁵ ã yoa Santiago, João mehne Jesu cahapū sūa, siniha tirore. Tina Zebedeo pohna jiha. ã jia õ sehe ni siniha:

–Buheriro, sã sinino seheta sãre yoaga māhū –niha tina Jesure.

³⁶ –¿Dohse yū yoachū cahmajari mūsa? –niha Jesu tinare.

³⁷ –Jipihtina bui pūhtoro jicū sãre māhū mehne duji dutiga. Cãiro mū poto būhūsehei paio mū cõ būhūsehei duji dutiga sãre, māhū mehne pūhtoa sã jihto sehe –niha tina Jesure.

³⁸ Ti ã nichū tūhoro õ sehe ni yahuha Jesu tinare:

–Mūsa ñano yūhdūhtore masierapanahta ã sinina yūhure. ¿Mipūre yū ñano yūhdūhto seheta ñano yūhdūna cūno pjabocari mūsa cūhū? –ni sinituha tinare.

³⁹ To ã sinituchū tūhoa tina õ sehe ni yūhtiha:

–Cūno pjanahca –ni yūhtiha tina.

Ti ã nichū Jesu õ sehe ni yahuha:

–Yū ñano yūhdūhto seheta ñano yūhdūnahca mūsa cūhū. ⁴⁰ Mūsa ã yūhdūhtina mūsa jipachūta, yūhū mehne dutihtinare, yūhū mehne dujihtinare bese masieraja yūhū. Ahrire yū Pūcū sehe cahno

tuhsure. ã jia to besehtina dihta yu poto buhuſehei yu cõ buhuſehei dujiahca –niha Jesu tinare.

⁴¹ ã jia paina diez buheina Santiago, João ahrina puaro mehne susiniha ti ã sinirire tuhoa. ⁴² Ti ã susinichu ñno Jesu to buheinare pjiroca, õ sehe niha:

–Cohamacure masieraina puhtoa sehe ti masare dutia, purino mehne dutira. ⁴³ Mſa sehe ne ã yoasi mſa basi. Diro mſa mehne macariro mſa bui puhtoro ji duaro, jipihtina tiro mehne macaina cahamacuno yoaro sehe jia tiro cahmana tirore. ⁴⁴ ã yoa diro mſa mehne macariro mſare dutiriro ji duariro mſa cahamacuno yoaro sehe jia tiro cahmana tirore. ⁴⁵ Tõ sehetã jiriro jija yuhu cõhu. Yuhu masuno Cohamacu warocariro jipacuta ahri yahparye yuhure mſa yoadohohtire mſare sinii tai nierahi. Mſa sehere yoadohoi tai nii. ã yoacu payu masa ya buhirire yaria, wapabasai tai nii. Yu ã yariaro mehne payu masare pichacaru wahaborinare yuhduchu yoai tai nii –niha Jesu tinare.

Bartimeore, capari ñnerarirore ñnchu yoaha Jesu

(Mt 20.29-34; Lc 18.35-43)

⁴⁶ ã yoa baharo tina Jericõru sũha. Jesu to buheina mehne, ã jichu paina masa payu mehne tí macai jiina ti wahachu tí macare ti yuhdu wahcõchu waro, Bartimeo sehe ti wahari maha duhtu cahai dujiha. Tiro Timeo macuno capari ñnerariro jiro, masare niñerucãre ã sinirucuriro jiha. ⁴⁷ Ti wahari maha duhtu cahai dujiro, “Jesu

Nazare macariro tara”, ti nichu tũhoro, Bartimeo sehe õ sehe ni sañurucuha:

—Jesu, Davi cjiro panamino masare yũhdohtiro, pja ñũga yũhare —ni sañurucuha Jesure.

⁴⁸To ã nichu tũhoa masa payu Bartimeore “Dihta mariaha”, ni tuhtiha tina tirore. Ti ã ni tuhtichu tũhoro Bartimeo tó pano to sañurucuriro yũhdo curero sañurucu namoha tjoa:

—Jesu, Davi cjiro panamino masare yũhdohtiro, pja ñũga yũhare —ni sañurucuha tiro.

⁴⁹To ã ni sañurucuchu tũhoro Jesu sehe tjuarucu su, “Pjirocaga tirore”, niha. To ã nichu tũhoa tina sehe capari ñũerarirore õ sehe ni yahuha:

—Wahchega. Wahcãrucaga. Tiro mũhare pjira —niha tina Bartimeore.

⁵⁰Ti ã nichu tũhoro to bui macari suhtirore tjuwe cũ, pu wahcãrucu su, Jesu caharu surucu saha. ⁵¹Ã jiro, Jesu sehe õ sehe ni sinituha tirore:

—¿Dohse yu yoachu cahmajari mũhu? —niha Jesu tirore.

—Yu puhtoro, yũhare ñũchu yoaga —niha capari ñũerariro Jesure.

⁵²—Wahaga mũhu. Mũhu yũhare wacũ tuacu noariro wahara —niha Jesu tirore.

To ã nichuta capari ñũerariro ñũa wahaha. ã noariro waharo Jesu mehne maharu wahaa wahaha.

11

Jerusalẽpu saha Jesu

(Mt 21.1-11; Lc 19.28-40; Jn 12.12-19)

¹Ã yoa tina Jerusalẽpu ti suhto panocã tãcu Olivo wama tidu duhtu cahai jiri maca Betfagẽ wama tiri

maca cahai, ã jichu Betania wama tiri maca cahai su mhataha. Tí macari pu maca cahai Jesu suro, to buheina puarore warocaro taro, õ sehe ni yahu quihõha:

² —Sí macapu wahaga. Tõpu suna dóihta burrocãre ti duhte daporirocãre boca sunahca. Tiro ne cãiro ti pisamahnoerarirocã jica. Tirocãre bocana, yuta dare pjã, na tabasaga yuhure. ³ Musa tirocãre pjãchu ñno cãiro dohse jiro, “¿Dohse yoana tana burrocãre duhte daporí dare pjãjari msa?”, to nichu tuhona, õ sehe ni yuhtiga tirore: “Mari puhtoro burrocãre cahmarocasinire. Michapucacãta wiarohca tiro”, ni yahuga tirore —ni yahu duti warocaha to buheina puarore.

⁴ To ã nichu waha, tí wuhu sopaca cahai burrocãre ti duhte daporirocãre bocaha. Boca, tirocãre pjãha. ⁵ Tirocãre yuta dare ti pjãchu ñna tói ducuína õ sehe ni sinituha tinare:

—¿Dohse yoana tana burrocãre duhte daporí dare pjãjari msa? —ni sinituha tina.

⁶ Ti ã nichu tuhoa, tina sehe Jesu to niriro seheta yahuha tói ducuína. Ti ã ni yahuchu tuhoa tói ducuína sehe “Naahga”, niha tinare. ⁷ ã jia tina burrocãre Jesu cahapu na suha. Ti na sari baharo tirocã bui ti bui sãa suhtire ti pjũpaha payo tuhsuchu ñno, Jesu sehe tirocã bui mja pja, wahaha. ⁸ Tirocã bui to wahachu ñna, masa payu ti bui sãa suhtire tjuwe na, to wahahti mahai saño cū mhataha, Jesure ño payoa. Paina sehe campopu pūri tia dpuirire yucu dpuirire dute na ta, to wahahti mahai duhu cūha.

⁹ ã jia to pano wahaina, to baharo nnu tiina mehne õ sehe ni sañurucuha:

—Ahrirore wahche payojihna. Ahriro Cohamacu to warocariro noano jijaro. ¹⁰ Mari ñuchu Davi cjiro pahtoro to noano suho jiriro seheta, ahriro marine to suho jihto cūhu noano jijaro. Mhano macariro Cohamacu, mahu tuariro waro jira —ni sañurucuha tina.

¹¹ Ti ã yoari baharo Jesu sehe Jerusalēru suha. Su, Cohamacu ya wuhuru sãa suro, tí wuhui jiare jipihtiare ñu pahñonocaha. Ñu tuhsu “Ñamichaharu waro jira marine” nia, Jesu to buheina doce buheina mehne Betaniaru wahaa wahaha.

Jesu higuera care yaria dutiha
(Mt 21.18-19)

¹² Æ yoa pa dachoi tina Betaniaru jiina wahaa wahaha. Æ jiro Jesu sehe jaca baa, yoropu higuera wama tidure noano pūri tidure ñuno tu dichare macano wahamaha. ¹³ Dicha mariaha. Dicha tiri pja jieraro pūri dihta jiha. ¹⁴ Æ jiro dicha mariachu ñuno õ sehe niha:

—Ahdu dichare masa ne pari turi chuea tjijaro. Ne dicha tiero tjijaro —niha Jesu.

To ã nichu to buheina sehe taha.

Jesu Cohamacu wuhure Cohamacu mehne durucuri wuhure yoa dutiha
(Mt 21.12-17; Lc 19.45-48; Jn 2.13-22)

¹⁵ To ã yoari baharo tina Jerusalēru suha. Tōru suro, Jesu Cohamacu ya wuhuru sãa suro pache duainare, nuchina cūhure cohã wioha. Æ yoaro niñeru cohtotaa mesarire yo wahcō na majare cū mujaa tiha. Bujaare duaina ti dujia pahtari cūhure ãta yoaha. ¹⁶ Æ yoaro paye barore na sãa dutieraha

masare. ¹⁷ Tó sehe yoa tuhsu, Jesu õ sehe ni buheha tinare:

—Õ sehe nina Cohamacu yare ti joari pui: “Yu wahu Cohamacu mehne durucuri wahu wama tirohca. A jiro jipihtiro macaina ya wahu cjihto jirohca”, ni joaa tiha Cohamacu yare ti joari pui. To a nipachuta musa sehe ahri wahu duana, musa basi cahma yacara musa —ni buheha tinare.

¹⁸ To a ni buhechu jipihtina masa sehe taho cuua wahaha. A jia sacerdotea puhto, sa judio masare buheina mehne tirore cui niha. A jia tina tirore ti wajhti cjihtire wacu macamaha. ¹⁹ Ti a yoachu namichapu Jesu to buheina mehne ti macapu jirina cjiri wahaa wahaha.

Higueracu ñaia wahaha
(Mt 21.20-22)

²⁰ A jia bohrearo mahapu maja taa, higueracure ñaha. Tu nahcoripu ñai dca, ñaia wahaha tu.

²¹ Ture ñuno Pedro sehe wacuno õ sehe niha:

—Buheriro, ñuga. Higueracu mu yaria dutidu yaria wahari jira —niha Pedro.

²² To a nichuta Jesu õ sehe ni yahuha tinare:

—Cohamacure wacu tuaga musa. ²³ Potocã niita nija musare. Ahdu tucure pjiri mapu musa cohã dutichu musa niriro seheta a waharohca. Cohamacure noano musa wacu tuachu “Yu siniriro seheta a waharohca”, musa ni tshotuchu musa niriro seheta a waharohca. ²⁴ A jicu ahrire yahuihtja musare. Cohamacu mehne durucuna, tirore sinina, “Yu siniriro seheta warohca yuhare”, ni tshotuga. Musa a ni tshotuchu ñuno Cohamacu musa siniare warohca. ²⁵ A yoana Cohamacu

mehne m̄sa durucuhto pano m̄sare paina ti ñano yoach̄ m̄sa suari cjirire duhuga. M̄sa ã yoach̄ ñano Cohamac̄ m̄ano macariro m̄sa ñaa buhirire tiro c̄h̄ sua duhurohca. ²⁶ [M̄sare ñano yoainare m̄sa sua duhuerach̄ mari P̄c̄ c̄h̄ m̄ano macariro m̄sa ñaa buhiri sehere bosì tiro c̄h̄] –niha Jesu.

Sacerdotea p̄h̄toa, judio masare buheina, b̄c̄na mehne Jesu mehne cahma sayoha

(Mt 21.23-27; Lc 20.1-8)

²⁷ To ã niri baharo tina Jerusalẽp̄ wahaha tjoa. ã jia Jesu Cohamac̄ w̄h̄i to tinich̄ ñaa sacerdotea p̄h̄toa, sã judio masare buheina, b̄c̄na mehne tiro cahap̄ s̄a tirore õ sehe ni sinitu ñ̄ha:

²⁸ –¿Dohseac̄ can̄re ã yoari m̄h̄? ¿Noa m̄h̄re tíre ã yoa dutiri? –ni sinitu ñ̄ha tina Jesure.

²⁹ Ti ã nich̄ Jesu õ sehe ni ȳhtiha:

–M̄sa sehere sinitu m̄htaihtja. Noano ȳh̄re m̄sa ȳhtich̄ m̄sare yahuihtja ȳh̄ c̄h̄.

³⁰ ¿João masare to bautisach̄ diro baro sehe tirore bautisa dutia tiari, m̄sa t̄hotuch̄? ¿O Cohamac̄ dutiera tiari? ¿O masa sehe tirore dutia tiari, m̄sa t̄hotuch̄? –ni sinituha tinare.

³¹ To ã nich̄ tina sehe ti basi õ sehe niha: “¿Dohse ni ȳhtinahcari mari? ‘Cohamac̄ João dutia tiri jire’, mari nich̄, ‘¿Dohseana Cohamac̄ João to dutipach̄ta tirore t̄hoerari m̄sa?’ niboca Jesu marine. ³² ã yoa, ‘João to bautisach̄ Cohamac̄ sehe tirore dutierari jire’, mari nich̄ masa sehe suaahca mari mehne”, niha tina ti basi. “Potoc̄ta João Cohamac̄ yare yahu m̄htariro jira”, ni t̄hotua tiha masa sehe. Tí ã ni t̄hotuch̄ masia,

Joãore doca dahre duaeraha sacerdotea pũhtoa cũhũ, “Masa suari”, nia. ³³ ã jia tina Jesure õ sehe ni yũhtiha:

—Joãore bautisa dutirirore sã masieraja —niha tina Jesure.

—Tí pja pinihta yũhũ cũhũ ahrire yũ yoaare dutirirore yahueraja mũsare —niha Jesu tinare.

12

Ñaina dahra cohtaina quitire yahuha Jesu (Mt 21.33-46; Lc 20.9-19)

¹ ã yoa Jesu to tũhotua mehne õ sehe ni piti dahre buhe dũcaha tinare:

—Wese pũro se dari cjihtire toaha. Toa tuhsũ, sahrĩnore dapõ, sere ti tũ mũtohti copare saha, mũari wũhũcã dahreha tiro. Tuhsũ, tí wesere painare cã bũhũsehe coa pahma cũno, tí wesere ñũ wihbo dutiha. Ñũ wihbo duti tuhsũ, pa yahpapũ wahaha tiro. ² Baharo se ñiri pja jichũ wese pũro tirore dahra cohtarirore wese macaa to ya coa macaa dichare na dutiro warocamaha. ³ ã jia tí wesere ñũ wihboina sehe tirore dahra cohtarirore ñaha, cjãha. ã yoa tuhsũ tirore dahra cohtarirore se tõhorine waerapahta tjuaa dutiha tirore. ⁴ ã jiro wese pũro paio tirore dahra cohtarirore warocamaha tjõa. ã jia wesere ñũ wihboina sehe tirore dahra cohtarirore dapure camĩ dahre, ñano yoaha tina tirore. ⁵ Tuhsũ, paio sehere to warocachũ ñũ wihboina tirore wajãha. Payũ paina cũhũre ã dihta yoa mũjaha. Paina sehere cjã, paina sehere wajãha tina.

6 'Ã jiro wese p̄uro mac̄no dihta d̄hsaha. Tiro to cahĩriro jiha. Ã jiro to mac̄nore warocaha j̄na, “Ȳu mac̄ sehere ño payoahca”, nino. 7 To ã ni t̄hotupach̄ta tina ñ̄u wihboina ti basi õ sehe ni durucuha: “Wese p̄uro mac̄no baharo ahri wese c̄j̄ahtiro jira ahriro. Tirore wajãjihna mari. Ã jiro ahri wese mari ya wese tjuarohca”, nimaha tina ti basi. 8 Ã nia tirore ñaha, wajã, wese d̄ht̄u cahap̄u na wahcã, cohãnocahna tina tirore.

9 '¿Ne wese p̄uro taro dohse yoarohcari tiro wese ñ̄u wihboinare? Õ sehe yoarohca tinare: Tiro tinare wajãno, paina sehere wesere ñ̄u wihbo dutirohca. 10-11 ¿Cohamac̄u yare ti joari p̄ure ahrire buherari m̄usa? Õ sehe ni joaa tiha:

“Ahriro Cristo tãca yoaro seheta jira.

Tãcare w̄h̄u dahreina ti cohãno seheta masa tirore cohãahca.

Ti ã yoapach̄ta mip̄ure w̄h̄u dahreina w̄h̄ure yoaa ti c̄u m̄ht̄ari tãcare ti c̄uno seheta Cohamac̄u tirore p̄hto s̄ore.

Cohamac̄u sehe ahrire yoare.

To ã yoach̄u ñ̄una, ‘Noa ȳhd̄uara’, ni t̄hotuja mari”,

ni joaa tiha panop̄u. ¿Tíre ne buherari m̄usa? — niha Jesu tinare.

12 To ã nich̄u t̄hoa sacerdot̄ea p̄htoa, sã coyeya judio masare buheina, b̄c̄una mehne õ sehe ni t̄hotuha: “Jesu wesere ñ̄u wihboina quit̄i mehne marine tuhtiro nina”, ni t̄hotuha. Ã ni t̄hotua Jesure ñaha duamaha. Ã ñaha duapahta masare cui niha. Ã cuia tirore cohã wahcã wahaha.

Fariseo curua macaina, Herode ya curua macaina mehne gobierno macaa wapare sinituha Jesure

(Mt 22.15-22; Lc 20.20-26)

¹³ Waha, tina fariseo curua macainare, Herode ya curua macaina cãhure Jesure sinitu dutia warocaha tjoa. Jesu ñano to yãhtichu yoa duamaha tina, tirore yahusãa taa. ¹⁴ ã jia Jesu cahapuchu, tirore mahño cã sinitu ñamaha:

—Buheriro, potocã durucuriro, mahñoa mari-eriro mu jichu masija sã. Cohamacu yare quihõno mu yahuchu cãhure masija sã. ã yoa cãiro pãhtoro waro to jipachuta tiro cãhure dórero marieno potota yahura muhu. ã jicu sãre yahuga. ¿Roma macariro jipihtina bui pãhtoro jirirore gobierno macaare marine waparo cahmajari, mu tãhotuchu? ¿Mari dutia tirore wapa dutijari, mu tãhotuchu? —ni sinitumaha tina Jesure.

¹⁵ Ti ã sinituchu tãhoro ti yahusã duaare masino õ sehe ni sinituha tinare:

—¿Dohseana yu ñano durucuchu tãho duajari musa? Mipure niñeru tãre na tãhga. Tí tãre ñãjihna —niha Jesu tinare.

¹⁶ To ã nichu tãhoa tina sehe cã tãre na taha. Ti na wihichu Jesu õ sehe ni sinituha tinare:

—¿Diro baro masu wahãjari ahri tãre? ¿Diro baro wama wahãjari? —ni sinituha tiro.

—César, masa bui pãhtoro masu, to wama cãhu wahãna —ni yãhtiha tina.

¹⁷ Ti ã nichu Jesu õ sehe ni yahuha tinare:

—Tí pja pinihta masa bui pãhtoro yare tiro sehere waga. Cohamacu yare Cohamacu sehere waga —ni yahuha Jesu.

To ã nichu tuhoa, tuho cuaa wahaha.

Saduceo curua macaina Cohamacu to masoare sinituha Jesure

(Mt 22.23-33; Lc 20.27-40)

¹⁸ ã yoa cãina Saduceo curua macaina Jesu cahapu wihiha. Saduceo curua macaina sehe “Cohamacu yariainare masosi”, ni tuhotuina jimaha.

¹⁹ ã jia tina õ sehe niha tirore:

—Buheriro, õ sehe ni buhea tiha Moise cjiro: “Cãiro to wahmino namo tiro pohna mariaparota to yariachu ñuno to bahurore to wahmino namono cjirore nuoano cahmana. ã yoaro to wahmino manano to pohna tiboro seheta pohna tiro cahmana to bahurore. ã jia to pohna to wahmino manano pohna yoaro sehe jahca”, ni joaa tiha Moise cjiro —niha tina Jesure.

²⁰ Tíre ni tuhsu, ahri quitireta yahu namoha Jesure:

—Cãiro masuno jiha. Seis to bahana jiha. Ti wahmino sehe namo ti, pohna mariaparota yariaa wahaha. ²¹ Tuhsu, paio to bahuro cuhu to wahmino namono cjirore cjamaha. To ã nuoari baharo to wahmino yoaro seheta pohna mariaparota yariaa wahaha tjoa. ã jiro ahriro bahuro to wahmino manano yoaro seheta pohna mariaparota yariaa wahaha tjoa. ²² ã dihta wahaha cãiro pohna waro. Ne pohna mariapahta yaria pihtia wahaha tina. Ti namono cjiro cuhu ti baharota yariaa wahaha. ²³ ¿Ne, Cohamacu jipihtinare yariaina cjirore to masochu diro namono sehe jirohcari ticoro? Tina jipihtina ticorore namo tirina cjiri jiha. ¿ã jiro

diro namono sehe jibocari ticoro pototi? –ni sinituha tina.

²⁴ Jesu ò sehe ni yũhtiha tinare:

–Cohamacũ yare ti joari pũre, to masia cũhure ne masierara mũsa. ã jia mũsa tũhotua sehe ne quihõno jierara. ²⁵ Yariarina cjiri ti masa mũjari baharo tina anjoa yoaro sehe jira. Tina mũa namo tierara tõpũre. ²⁶ Yariarina cjiri ti masa wijahto sehere mũsare yahuihtja: Tíre Moise cjiro noano yahu pahõoha. To mahadũcã jũri quitire ò sehe ni yahuha tiro: “Yũhũ Abrahã, Isaa, Jacobo ti pũhtoro tjija’, ni yahure Cohamacũ yũhare”, ni joaa tiha Moise cjiro to joari tjuí. ²⁷ Ti yariari baharo “Ti pũhtoro tjija”, ni yahuha Cohamacũ. ã ni-parota yariarina cjiri pũhtoro jierara Cohamacũ. “Ti pũhtoro tjija”, to nia mehne catiina ti jichũ masija mari. Tiro catiina pũhtoro jira. ã jina “Yari-aina masasi”, ni tũhotuna quihõno tũhotuerara mũsa –niha Jesu tinare.

*Cũno noa yũhdũro to dutiare yahuha Jesu
(Mt 22.34-40)*

²⁸ ã yoa cãiro sã coyera judio masare buheina mehne macariro tina cahapũ wihi, ti cahma durucuchũ tũhoha. Jesu to noano yũhtiare tũhoro ò sehe ni sinituha tirore:

–¿Cohamacũ ya dutia noa yũhdũaro di baro sehe jijari, mũ tũhotuchũ? –ni sinituha tiro Jesure.

²⁹ Jesu tirore ò sehe ni yahuha:

–Ahri dutiata paye dutia yũhdoro noa yũhdũara: “Israe masa tũhoga. Cohamacũ mũsa pũhtoro yũhũ cãirota jija. ³⁰ Tuaro mũsa yajeripohnari mehne, noano mũsa wacũa mehne,

musa tuaa mehne yũhũre cahĩga”, nina Cohamacũ.
³¹ Ahri dutia baharo paye dutia noa yũhdũara:
 “Mũ basi mũ cahĩno seheta mũ cahai jiina cũhũre
 cahĩga”, nina Cohamacũ. Ahri pũaro dutia jipihtia
 paye dutia yũhdoro jira –ni yahuha Jesu tirore.

³² To ã nichũ tũhoro judio masare buheriro õ
 sehe niha:

–Ã tjira. Buheriro, potocã nina mũhũ. Co-
 hamacũ cũirota jira. Pairo tiro yoaro sehe jiro
 mariahna. Mũ nia potocã tjira. ³³ Cohamacũre
 tuaro mari yajeripohnari mehne, mari wacũa
 mehne, mari tuaa mehne tirore cahĩno cahmana
 marine. Yũ cahai jiinare yũ basi yũ cahĩno seheta
 tina cũhũre cahĩno cahmana yũhũre. Wahiquinare
 wajã jã mũo mari wari mehne mari ño payochũ
 noa nimana. Ahri yũhdoro Cohamacũre masa
 cũhũre mari cahĩa noa yũhdũara. Mũ ã nia potocã
 tjira –niha judio masare buheriro Jesure.

³⁴ To ã noano yũhtichũ tũhoro Jesu õ sehe ni
 yahuha tirore:

–Mahanocã dũhsara mũhũre Cohamacũre mũ
 noano masihto –niha tirore.

To ã nichũ tũhoa paina cuiã, ne sinitu ñũeraha
 tirore.

*¿Diro baro coyeiro jijari Cristo?
 (Mt 22.41-46; Lc 20.41-44)*

³⁵ ã yoa Cohamacũ wũhũi buhero õ sehe niha
 Jesu:

–“Cristo Davi cjiro panamino jira”, ni buhera
 mari coyea judio masare buheina. ¿Dohse yoa ã ni
 buhejari tina? ³⁶ Davi cjiro to basi Espĩritu Santo
 to dutirore seheta õ sehe ni yahua tiha:

“Cohamacu yu puhtorore õ sehe nire: ‘Õi yu potu buhusehei dujiga.

Ã jicu mähure ñu tuhtiinare mähure yuhdurucabasaihca yuh’, nire Cohamacu yu puhtorore”,

ni joaa tiha Davi cjiro. ³⁷ Ã ni joaro Davi cjiro puhtoro tia tiha Cristore. ¿Davi cjiro Cristo ñuchuno cjiro jiparota dohsearo Davi sehe puhtoro tiari Cristore? Cristo Davi cjiro puhtoro jira –ni yahuha Jesu.

To ã ni buhechu payu masa wahchea mehne tuhoha tirore.

*Jesu judio masare buheina ti ñaare yahuha
(Mt 23.1-36; Lc 11.37-54; 20.45-47)*

³⁸ Ã yoa tiro buhe namono õ sehe niha:

–Mari coyea judio masare buheina ti ñaa yoaare noano ñuga. Ã jina ti yoaro sehe yoaena tjiga. Tina yoaa suhti sãa, masa ti ñurocaroi majarea, pache duaropu paina puhtoare noano ño payo ti sinino sehe ti piti bocasinichu cahmana tina. ³⁹ Ã cahmaina jia, mari judio masa buhea wuhusei noaa dujia dihtare duji duara. Tuhsu, bose numu jichu tó cãhure noaa dujia dihtare cahmana tina. ⁴⁰ Tina wapewahya numia ya wuhusere ti ya cãhure mana tí numiare. Ã yoaina jia, tina masa ti ñurocaroi yoari pja Cohamacu mehne durucumana masare ñu dutia. Ti ã yoari buhiri paina bui curero tinare Cohamacu pjíro buhiri dahrerohca –niha Jesu tinare.

*Wapewahyoro to warire yahuha Jesu
(Lc 21.1-4)*

⁴¹ ã yoa Jesu niñeru wihbori caro cahap_u dujiha. Tí carop_u masa ti niñeru duhu sãach_u ñ_u dujiro niha. (Tí niñeru Cohamac_u wuh_ure ti cahnoch_u ti wapahti jiha.) ã jia pache p_ua tí carop_u pjíro duhu sãaha. ⁴² ã yoa wapewahyoro pjac_uoricoro tí carop_u ta, p_ua tucãre duhu sãaha. P_ua t_u cã centavo posa jira. ⁴³ Tí turire to duhu sãach_u ñ_uno to buheinare pjirocaha:

—Potocã niita nija m_usare. Ahricoro wape-wahyoro pjac_uoricoro sehe niñeru wihbori carop_u duhu sãano paina jipihtina ti wari yahdoro wahre ticoro sehe. ⁴⁴ Paina pache p_ua pjíro ti wapach_uta ti ya pjíro duhsara. Ahricoro sehe pjac_uoricoro jiparota jipihtia to ch_uhtire to nuch_uboacãre wa pahñohre —ni yahuha Jesu.

13

*“Cohamac_u wuh_u cohãri wuh_u jirohca”, niha Jesu
(Mt 24.1-2; Lc 21.5-6)*

¹ ã yoa Cohamac_u wuh_up_ure ti wijaach_u cãiro buheina mehne macariro ò sehe niha:

—Buheriro, ñ_uga. Ahri wuh_use noaa tãa mehne ti yoaa wuh_use noacaa wuh_use jijari —niha tiro.

² To ã nich_u Jesu ò sehe ni yahuha tinare:

—Ahri jipihtia mari ñ_uri wuh_use cjiri, ahri tãa cãh_u cohò pihtia wahaahca. Ne cãria tãca tjuasi —niha Jesu tinare.

*Pihtiri dacho cjihtore yahuha Jesu
(Mt 24.3-28; Lc 21.7-24; 17.22-24)*

³ ã yoa Jesu Olivo wama tid_u tãc_up_u Cohamac_u wuh_u potoi jid_up_u sãha. T_u bui dujiha. Tóí Pedro,

Santiago, João, Andre mehne ti sahsero jia, tina tirore õ sehe ni sinituha:

⁴ —Yahuga sãre. ¿Dohse jich_u ã waharohcari m_u niriro sehe waharo? ¿Pihtiri dacho panocã to jich_u dohse to waha ducach_u ñ_unahcari sã? —ni sinituha tina Jesure.

⁵ Jesu õ sehe ni y_uhtiha:

—Noano yoaga m_usa. Tuhs_u, paina ti mahñoare t_uhoena tjiga m_usa. ⁶ Pay_u masa “Cristo jija y_uh_u”, ni mahñoina taahca. Ti ã mahñoach_u t_uhoa pay_u masa Cohamac_u yare duhuahca.

⁷ M_usa cahacãi masa paina ti cahma wajãch_u t_uhonahca m_usa. Tuhs_u, yoarop_u c_uh_ure ti cahma wajãch_u t_uhorocanahca m_usa. ã t_uhorocapanahca ne tíre pjíro t_uhotuena tjiga. ã waharohca. Ti ã yoach_u pihtiri dacho cjihto d_uhsasininohca mini. ⁸ Tí pjare c_u yahpa macaina pa yahpa macaina mehne cahma wajãahca. ã yoa cãiro p_uhtoro yaina paio p_uhtoro yaina mehne cahma wajãahca. Tuhs_u, pjaró yahpa ñ_uhminohca. ã yoa pay_u masa j_uca mehne yariaahca. To ã wahach_u ahri yahpa macainare ti ñ_uano y_uhd_u namohto d_uhsasinina mini. Ñ_uano y_uhd_usiniahca.

⁹ To ã wahach_u ñ_una m_usa basi noano yoaga. Paina m_usare ñ_uaha, ñ_uano yoa dutia waahca paina p_uhtoap_ure. ã yoa judio masa mari buhea w_uh_usei m_usare cjãahca. Ti ã yoach_u buj_ua macari macaina p_uhtoa, ti bui p_uhtoa c_uh_u m_usare buhiri dahrea taa sinituahca m_usare. Y_u yaina m_usa jiri buhirire paina m_usare yahusãhca. ã jina yare yahunahca m_usa tinare. ¹⁰ ã jia pihtiri dacho pano noaa buheare jipihtiro yahpari macainare yahua

buhea jiahca. ¹¹ Æ jina m̄sare buhiri dahre dutia, buhiri dahre dutiro cahap̄ ti naach̄ tirore m̄sa nihtire “Yahu masieraboca”, ni t̄hotuena tjiga m̄sa. Tí pjare m̄sa nihtire m̄sare Esp̄ritu Santo yahurohca. To ã yahurire yahuga m̄sa. M̄sa m̄ s̄uro durucusi m̄sa. Esp̄ritu Santo sehe m̄sare durucubasarohca. ¹² Tí pjare c̄airo to bah̄rore wajã dutiro warohca. Pairo sehe to wahminore wajã dutiro warohca. Ti p̄c̄uro to poh̄nare wajã dutiro warohca. Æ yoa ti poh̄na sehe ti p̄c̄us̄mare wajã dutia waahca. ¹³ Ȳ yaina m̄sa jiri buhiri m̄sare masa jipihtina ñ̄ tuhtiahca. Æ ñ̄ano ȳhd̄panahta ȳ yare m̄sa ne coh̄erach̄ pihtiri dacho jich̄ m̄sare ȳhdoihca.

¹⁴ 'Æ yoa ñ̄abiarirore Cohamac̄ yare ñ̄ano yoarirore ñ̄nahca m̄sa. Cohamac̄ ya w̄h̄i to ducuch̄ ñ̄nahca. Tóti tirore jieraro cahmana. [Panop̄ Cohamac̄ yare yahu m̄htariro Daniel cjiro tirore yahuro joaa tiha.] Tóti to ducuch̄ ñ̄a Judea yahpap̄ jiina t̄yuc̄p̄ duhti m̄roca m̄jaa wahajaro. Ahri ȳ nirire noano masiga m̄sa. ¹⁵ Soaro mehne m̄roca duhtijaro. Tí pjare ti w̄h̄useri bui macaa waparip̄ jiina w̄h̄ puhichap̄ jiare ti yare na wahaea tjijaro ti waha bahrañohto sehe. ¹⁶ Æ jia tí pjare paina ti weserip̄ jiina ti bui macaa suhtire w̄h̄p̄ jia suhtire na wahaea tjijaro ti waha bahrañohto sehe. ¹⁷ Tí pjare niji p̄cosanumia, ti poh̄nare p̄a numia c̄h̄ p̄jac̄oro wahaahca. ¹⁸ Æ jina õ sehe ni siniga Cohamac̄re: “Puhiro jich̄ ã wahaero tjijaro”, ni siniga tirore. ¹⁹ Tí dachorire masa nu ñ̄ano wahaahca. Ahri yahpare to bajuamehneri

baharo masa ñano ti yuhduha jia tiha. Ti ã jipachuta jipihtia tí puría yuhdoro pihtiri dacho jichu masa ñabiaro yuhduahca. Ñ ñano ti yuhduri baharo pari turi tó sehe ñabiaro yuhdusi ahri yahpai juna. ²⁰ Ñ jiro Cohamacu tí dachorire mahaa dachoricã ti jichu yoarohca. To ã yoerachu ne cãiro masuno yuhdueraboa. Ñ jiro to beserina ti yuhduhti cjhtire mahaa dachoricã ã cãsininohca Cohamacu.

²¹ Tí pjare paina musare “Ñuga. Õi jira Cristo”, ti nichu tinare tãhoena tjiga. “Tói jira Cristo”, ti nichu cãhure tãhoena tjiga. ²² “Cristo jija”, ni mahñoina, “Cohamacu yare yahu mãhtaina jija”, ni mahñoina jiahca tí pjareta. Ñ jia Cohamacu to beserinare mahñoa, tina bajuamehneare yoa ñoahca. Ti ã yoa ñochu ñua, Cohamacu yaina cãina tinare tãhoa “Potocã tjira” nia, Cohamacu yare pa tehe nia duhuboca. ²³ Ahrire yahuyuja musare to ã wahahto pano. Ñ jina noano yoaga musa —ni yahuha Jesu.

*Jesu yahparure to tjua tahtore yahuha
(Mt 24.29-35, 42-44; Lc 21.25-36)*

²⁴ Ñ ni tuhsu õ sehe ni yahu namoha Jesu:

—Tí dachori ti ñano yuhduri baharo sã dacho macariro, ñami macariro cãhu buhria duhua wahaahca. ²⁵ Ti ã wahachuta ñahpichoha poca muanopu jia poca bora wahaahca. Ñ jia muanano macaa yahpari tuaro ñuhmiahca. ²⁶ Tí pjata yuhu masuno Cohamacu warocariro taihtja. Yu ã tachu muanopu yu tuaa mehne yu si sitea mehne muanano macaa me bui ahri yahparure yu tjua tachu

ñuahca masa. ²⁷ ã jicu yu yaina anjoare jipihtiropu ahri yahrapu warocaihtja. ã jia jipihtiropu yu yaina yu beserinare tina naahca.

²⁸ Mipure higuereacure tuhotuga musa. Tu quti mehne musare piti dahre buheihtja. Tu yucucu pñiri tichu ñuna, cñhma mahanocã dñhsachu masina musa. ²⁹ Tó seheta ahri jipihitia yu niri cñjire ti ã wahachu ñuna, yu tjua tahto mahanocã dñhsachu masinahca musa. ³⁰ Potocã niita nija musare. Tí pja macaina ti yariahto panore jipihitia yu niriro seheta ã waharohca. ³¹ Mñano, ahri yahpa cñhu pihtia wahaahca. Yu durucua sehe ne cohtotasi. Jipihitia yu niriro seheta ã waha sohtori tiarohca.

³² Tí dachore yu tjua tahti dachore, tí hora cñhure masieraja yñhu. Anjoa cñhu tíre masierara. Masa cñhu ne masierara. Yu Pñucu dihta tíre masina.

³³ Musa cñhu tí dachore masierara. ã jina noano yoaga. Noano cohtaga. (Cohamacure siniga musa.) ³⁴ Õ sehe cohtaga musa. Ahri quti mehne musare piti dahre buheihtja. Wñhu pñuro yoaropu to tinino seheta jira ahri. Tiro to wahahto pano to cahamacare wñhure cohta dutiha. Cñinare ti dahrahtire cñha. ã jiro wñhure ññ wihborirore tirore to tjua tahtore cohta dutiha. ³⁵ ã jina musa cñhu noano wacũ masi cohtaga. Wñhu pñuro to tjua tahtore tina ti masieraro seheta yñhu musa pñhtoro yu tjua tahti dachore masierara musa cñhu. Ñamichahapu, ñami dacho macapu, caraca to duri pja jichu, bohrearopu taboca. ³⁶ Yu ã wacũenoca yu wihhtore masina, yu yare ã yuaru-

cuina jiga m̄sa. ã yoa ȳh̄ure noano cohtaga.
 37 ã jic̄h̄ m̄sare ȳh̄ nino seheta jipihtinare ã nija
 m̄sare: Noano wac̄ũ masi cohtaga –niha Jesu
 tinare.

14

*Sacerdotea p̄h̄toa, judio masare buheina
 mehne Jesure wajã duaha*

(Mt 26.1-5; Lc 22.1-2; Jn 11.45-53)

1 ã yoa tí pjare pascua wama tiri bose n̄m̄m̄
 cjihto b̄uc̄aerari p̄ãore ti ch̄h̄ti n̄m̄m̄ri cjihto p̄ua
 dacho d̄h̄sasiniha. Tí pjare sacerdotea p̄h̄toa, ã
 jich̄h̄ sã coyea judio masare buheina mehne dohse
 yoa ti mah̄ñoa mehne Jesure ñaha ti wajãhtore
 cahma s̄h̄ũdua niha:

2 –Mari bose n̄m̄m̄ri ȳh̄doro puro tireore
 ñahasiniena tjijihna, “Masa sua sañurucuri”, nina
 –niha tina ti basi.

*Numino me sitia se mehne Jesure pio payoha
 (Mt 26.6-13; Jn 12.1-8)*

3 ã yoa Jesu c̄h̄h̄ Betaniap̄h̄, Simo cami b̄uc̄h̄
 baariro cjiro ya w̄h̄h̄p̄h̄ jiha. Tórp̄h̄ ti ch̄uro watoi
 numino sehe alabastro mehne ti yoariare me sitia
 nardo wama tia sere posa tiriare na wihiha. Tí
 se sehe wapa b̄uj̄h̄ niha. ã na wihiro, ticoro tiare
 poharoca, Jesu dapu bui pio payoha. 4 To ã yoach̄h̄
 ñha paina suaa waha, ti basi õ sehe niha:

–¿Dohse yoaro ahricoro ahri me sitia co wapa
 b̄uj̄h̄are ã yoa sitejari? 5 Tíre ticoro duaboa. Tíre
 duaro tres cientos niñeru p̄ũrine wapataboa. ã
 wapataro, tí niñerure p̄jac̄uoinare waboa ticoro –
 ni cohtaha paina sehe ticoro to ã yoach̄h̄ ñha.

Ã jia tina ticorore tuhtiha.

⁶ Ti ã nichu tuhoro Jesu tinare õ sehe ni yahuha:

—Ã niena tjiga ticorore. Yuhure ticoro noano yoaro nina. ⁷ Pjacuoina sehe musa mehne ã jirucuahca. ã jina musa cahmari pja tinare wa masina. Yuhu sehe ahri yahpare musa mehne ã jirucusi. ⁸ To cjuaro puro mehne ticoro yuhure ã yoahre. Yuhure ti yahto pano yu pjacure cahnoyuro, me sitiare pio payohre ticoro. ⁹ ã jicu potocã niita nija musare. Jipihtiro ahri yahparu noaa buheare ti yahuropu ahricoro mipure to yoarire yahuahca. Ti ã yahuchu tuhoa ticorore masa payu wacuahca —ni yahuha Jesu.

Juda Iscariote Jesure ñu tuhtiinare to ñohtore yahuha sacerdotea puhtoare

(Mt 26.14-16; Lc 22.3-6)

¹⁰ Tí pjareta Juda Iscariote wama tiriro doce to buheina mehne macariro Jesure to ñohtire yahuro wahaha tirore ñu tuhtiinare, sacerdotea puhtoare.

¹¹ To ã ni yahuchu tuhoa, sacerdotea puhtoa tíre tuhoa wahcheha.

—Muhure niñerure wanahtja —niha tina Judare.

Ti ã nichu tuhoro, tiro Jesure ñu tuhtiinare to dohse yoa ñohto cjihtore wacu macaha.

Jesu to buheina mehne to chu batoari numu jiha

(Mt 26.17-29; Lc 22.7-23; Jn 13.21-30; 1Co 11.23-26)

¹² Bucuærari pãore ti chu numuri ducari numu sehe oveja pascua macaina cjihtire ti wajãhti numu jiha. Tí numu to buheina sehe õ sehe ni sinitu ñuha Jesure:

—¿Mari pascua macaa chũhtire noho baroi cahnoyu dutirocaijari mũhũ sãre? —niha tina tirore.

¹³ Ti ã nichũta Jesu sehe pũaro to buheinare õ sehe ni yahu warocaha:

—Jerusalẽpũ wahaga. Tõpũ mũsa sũchũ co situ wũariro mũsare piti bocarohca. To piti bocachũ tiro mehne wahaga. ¹⁴ ã wahana tiro to sũho sãari wũhũpũ sũna, tí wũhũ pũrore õ sehe niga: “¿Dí tahtiai yũhũ yũ buheina mehne pascua macaa chũare chũnahcari?” ni sinitu dutirocahũre buheriro”, niga tí wũhũ pũrore. ¹⁵ Mũsa ã nichũ tũhoro, tõpũ mũano macari tahtiare pjiri tahtiare, noano ti cahnoyuri tahtiapũre mũsare ñonohca wũhũ pũro. Tõi mari chũhti cjihtire dahrega mũsa —niha Jesu tinare.

¹⁶ To ã nichũ tũhoa tina to buheina tí macapũ wahaha. Tõpũ ti sũchũ tinare to niriro seheta ã wahaha. ã jia tina pascua macaa chũare dahreha.

¹⁷ ã yoa nahitia bora tachũ Jesu doce to buheina mehne tí wũhũpũre sũha. ¹⁸ Tí wũhũpũ ti sũri baharo, tina mehne mesapũ chũro Jesu tinare õ sehe ni yahuha:

—Potocã niita nija mũsare. Cãiro mũsa mehne macariro yũhũ mehne chũrirota yũhũre ñũ tuhtiinare ñonohca yũhũre —ni yahuha Jesu tinare.

¹⁹ To ã nichũ tũhoa tina sehe cahyaha.

—¿Yũhũta jijari mũhũre ñohtiro? —ni sinitu pihtiaha tina cãina jipihtina Jesure.

²⁰ —Mũsa mehne macarirota jira tiro. Yũ chũri wapai yũhũ mehne soha chũriro tjira yũhũre ñũ tuhtiinare ñohtiro. ²¹ Panopũ yũhũre ti yahu

joariro seheta yuhũ masũno Cohamacũ waro-
cariro yariaihca. Yuhũre ñũ tuhtiinare ñoriro
pjacũoro yũhdũrohca. Tiro to masa bajuerachũ
noaboa –niha Jesu tinare.

²² ã ni yahu tuhsũ, to buheinare sũho chũro, Jesu
pãore na, Cohamacũre “Noana”, niha. ã ninota, tí
curire nuha, witiha tinare.

–Ahrire na chũga. Ahri yũ pjacũ jira –niha tiro
tinare.

²³ ã ni tuhsũ tiro sihnia posa tiri wahware na,
Cohamacũre “Noana” ni tuhsũ, waha tinare. To
wachũ tina jipihtina tíre sihni pihtiaha.

²⁴ –Ahri yũ di jira. Payũ masa ti ñaa yoari
buhire cohãcũ tacũ yariaihca. ã yariacũ yũ dire
cohãihca. Cohamacũ “Mũsare yũhdoihtja”, to ni
cũriro mũ sũchũ yũ ã yariaro mehne to niriro so-
htori tirohca. ²⁵ Potocã niita nija mũsare. Mipũre
ahri co, se core ne sihni namosi yuhũ. Pũ pũhtoro
Cohamacũ mũsare to sũho jichũpũ ahrire coã pari
turi sihniihca tjoa –niha Jesu tinare.

Pedro Jesure to cohãhtore yahuha Jesu

(Mt 26.30-35; Lc 22.31-34; Jn 13.36-38)

²⁶ To ã ni tuhsũchũ tina Cohamacũre ño payoa
cũno basaare basaha. Ti basa pahñori baharo, tũcũ
Olivo wama tidũpũ tina wahaah wahaha. ²⁷ Tópũ
sũho sũro Jesu tinare õ sehe ni yahuha:

–Mipũre mũsa jipihtina yuhũre cohãnahca. Õ
seheta nina Cohamacũ yare ti joari pũi yuhũre
yahuro: “Ovejare ñũ wihboriro yoaro sehe
jirirore Cohamacũ cohãnohca. ã to cohãchũ to
yaina oveja yoaro sehe jiina duhti site wahcãa
wahaahca”, nina Cohamacũ yare ti joari pũi. ²⁸ ã

yoa Cohamacu yuhure to masori baharo musa pano Galilearu wahayuihca yuhu —niha Jesu tinare.

²⁹ To ã nichu Pedro sehe õ sehe niha:

—Yuhu mehne macaina jipihtina ti cohã wahcãpachuta yuhu sehe muhure ne cohãsi —nimaha Pedro tirore.

³⁰ Jesu õ sehe ni yuhtiha:

—Potocã niita nija muhure. Micha ñami pinihtare caraca puu taha to duhto pano “Yuhu Jesure masieraja”, niuhca muhu. Tia taha ã niuhca muhu —niha Jesu Pedrore.

³¹ To ã nipachuta Pedro õ sehe ni tuaro bisiro yuhtiha:

—Muhu mehne yuhure ti wajã duapachuta “Jesure masieraja”, ne nisi yuhu —ni yuhtimaha tiro Jesure.

Pedro to ã nichu taho a tiro mehne macaina cuhu ã dihta ni yuhtiha.

Getsemaní wama tiropu Jesu Cohamacure siniha

(Mt 26.36-46; Lc 22.39-46)

³² Æ yoa tina Getsemaní wama tiropu wahaha. Tóru suro, õ sehe niha Jesu:

—Cohamacure yu sinino watoi õi dujiyusiniga musa —niha to buheinare.

³³ Æ ni tuhsu Pedrore, Santiagore, Joãoire tina tiarore pji wahcãha. Tinare ã pji wahcãno, pjíro tũhotu dũcaha tiro. Æ yoa ñano yajeripohna tiha.

³⁴ Æ cahyaro tó mehne macainare to pji wahcãinare õ sehe niha:

—Yuhu ñano yajeripohna tii nija. Ñano purĩnore tũhotui nija. Tí mehne yariahto cua yuhdũaro coa

taca yuhure. Ōi tjuaga. Yu cãno potorita catiga m̄sa c̄h̄u —niha Jesu tinare.

³⁵⁻³⁶ ã ni tuhs̄u tiro tóꝑ̄u mahanocã waha namo, yahpai caha s̄ro, Cohamac̄uẽre õ sehe niha:

—Mai, m̄h̄u jipihtiare yoa masina. ã jic̄u yu ñano yuhd̄ũt̄ire yoa duaerac̄u yoi t̄jia. Yu ã nipach̄uta yu cahmano sehe yoi t̄jia. M̄h̄u sehe masina. M̄u cahmano seheta yoaga yuhure —ni siniha tiro Cohamac̄uẽre.

³⁷ ã ni tuhs̄u, tiaro to buheina cahap̄u wihiro, car̄ĩnare boca wihiha tiro. Tinare ñano Pedrore õ sehe niha:

—Simo, ¿car̄ĩ nijari m̄h̄u? ¿Cũ hora waro yu cãno potori cati masierari m̄h̄u? ³⁸ Noano yoaga m̄sa. M̄sa m̄u s̄ro quih̄õno yoa duamana m̄sa. Wiho mejeta m̄sa basi tíre bihoerara. ã jina Cohamac̄uẽre siniga ñano m̄sa yoerahto sehe —niha Jesu Pedrore.

³⁹ ã ni yahu tuhs̄u pari turi waha, Cohamac̄uẽre siniha. Tó pano to siniriro seheta siniha t̄joa.

⁴⁰ ã sini tuhs̄uro pari turi tina cahap̄u wihiha t̄joa. ã wihiro car̄ĩnare boca wihiha t̄joa. W̄jo caha yuhd̄ũaha tina. ã jia tina Jesure dohse ni masieraha. ⁴¹ ã yoa pari turi Cohamac̄u mehne to durucuro s̄ri baharo tina cahap̄u wihi, tinare õ sehe niha:

—¿Car̄ĩ, sosinina nijari m̄sa? Tó puro car̄ĩga m̄sa. Michapucacã yuhure Cohamac̄u waro-carirore ñano yoainare ti wahti p̄ja m̄u s̄u tuhs̄ura.

⁴² Wahcãga. Basa wahana. Ñ̄uga. Yuhure ñ̄u tuhtiinare ñ̄ohtiro õi tara —niha Jesu tinare.

*Jesure ñu tuhtiina tirore peresu yoaha
(Mt 26.47-56; Lc 22.47-53; Jn 18.2-11)*

⁴³ To ã nino watoihta Juda, doce buheina mehne macariro cjiro wihiha. Tiro mehne masa payu ñosaa pjñi, yucu siri cjuaina cãhu wihiha. Sacerdotea puhto, sã judio masare buheina, ã jichu bucuana, ti warocarina jiha masa sehe. ⁴⁴ Wahmanore Jesure ñu tuhtiinare ñohtiro sehe tiro mehne tahtinare õ sehe ni yahu quihõ tuhsuha:

—Yu wahsupu wihmiriro tirota jirohca musa ñahahtiro. Tirore yu wihmiri baharo ñahaga tirore. ã yoana tirore noano ñahaga to duhtierahto sehe —ni yahu quihõ tuhsuha Juda sehe.

⁴⁵ ã yahu quihõ tuhsuro wihirota Jesu cahapu dóihta waha bahrañoa.

—Yu puhtoro —ninota wahsupu wihmiha tirore.

⁴⁶ To ã yoachu ñua tina Jesure ñahaha.

⁴⁷ Ti ã yoachu ñuno cãiro Jesu cahapu ducuina mehne macariro to ñosari pjñe tuãwe naroca, sacerdotea bui puhtoro cahamacunore to cahmonore dute pahrēnocaha.

⁴⁸ To ã yoachu Jesu õ sehe niha:

—¿Dohse jiro baro musa ñosaa pjini mehne, yucu tiri mehne tajari? ¿Yaca bucuore musa ñahano se-heta yuhu cãhure ñahana tana nijari? ⁴⁹ Dachoripe Cohamacu wahupe musare yu buhe dujichu, musa yuhure ne ñahaerare. Musã ã ñahachu ahri jipihtia ã waharo nina Cohamacu yare ti ni joariro seheta —niha Jesu masare.

⁵⁰ To ã ni tuhsuchu, Jesu buheina tirore cohã wahcã, jipihtina mero ca site wahcã wahaha.

⁵¹ ã yoa cãiro wahmuno suhti marieriro cãno coma yosaro dihta comariro Jesu baharo ñn nnn timaha. To ã ñn nnn tichn ñna tirore ñahamaha. ⁵² Tirore ti ñahachn ñno to coma yosarore cohãnocã, suhti marieriro m̃rocaa wahaha.

Pũhtoa cahapn naaha Jesure

(Mt 26.57-68; Lc 22.54-55, 63-71; Jn 18.12-14, 19-24)

⁵³ ã yoa sacerdotea bui pũhtoro cahapn Jesure na wahcãha. Ti na s̃ri baharo sacerdotea pũhtoa, b̃cuna, sã coyea judio masare buheina c̃hn jipih̃tina cahmachuha. ⁵⁴ Tiro Pedro sehe Jesu baharo yoaropn nnn tiha. ã nnn tiro sacerdotea bui pũhtoa ya w̃hn cahapn s̃ha. ã s̃ro tiro tí w̃hure cohtaina surara mehne pichaca d̃htn cahai sohma dujiha.

⁵⁵ Sacerdotea pũhtoa, jipih̃tina paina pũhtoa c̃hn Jesure wajã dutia taa, Jesu to quihõno yoaer- arire ti yahusãhtire wacũ macamaha. Wiho mejeta tíre bocaeraha.

⁵⁶ ã wacũ bocaerapahta payn masa tirore ã yahusãmacanocaha. Ti ã yahusãa potocã jieraha. Pairo soro ni, paio soro niha. ⁵⁷ ã yoa paina wahcãr̃cn s̃, Jesure õ sehe ni yahusãha tjoa:

⁵⁸ —Ahr̃ro õ sehe nire: “Ỹhn ahri w̃hure Co- hamacn w̃hure masa ti dahreri w̃hure cohãihtja. ã cohãcn tia ñmn wahaboroi tí w̃hure pari turi yoaihtja. Tí w̃hn masa ti dahreri w̃hn jisi”, to nichn sã t̃hohi —niha tirore yahusãina.

⁵⁹ Ti ã ni yahusãpach̃ta ti yahusãa c̃hn potocã jieraha. Pairo soro ni, paio soro niha tjoa.

60 Ti ã nichu tuhoru sacerdotia puhtoro ti watoi ducuriro wahcãrcu su, Jesure õ sehe ni sinituha:

—¿Ahrina muhare ti yahusãpachuta tinare yuhti cahmaerajari muhu? ¿Muhare ti yahusãrire dohse ni yuhti cahmajari muhu? —niha tiro Jesure.

61 To ã nichu tuhoparota Jesu ãta tuhotunocaha. To ã yuhtierachu ñano sacerdotia bui puhtoro tireore sinituha tjoa:

—Cristo, ¿Cohamacu warocarirota jijari muhu? ¿Noariro Cohamacu macano warota jijari muhu? —niha tiro Jesure.

62 —Tiro tjija. ã jina yuhare masnore Cohamacu warocarirore yu Rcũ jipihtina bui Jiro to potu buhuusehei yu dujichu ñanahca musa. ã yoa mano macaa me watoi yu tachu cãhare ñanahca musa —niha Jesu tireore.

63-64 To ã nichuta sacerdotia bui puhtoro sehe to sãari suhtirore to basi tuhrẽnocaha painare “Sua yuhdãara”, ni ñu masi dutiro.

—Cohamacure ñano durucuro nina ahroro. To ñano durucure tuho tuhsuja mari. ã jia tãpeinata yahusãjaro ahroro. ¿ã jina dohse yonahcari mari mipure ahroro? —niha sacerdotia bui puhtoro paina puhtoare.

—Cohamacure to ñano durucuri buhiri wajãnocano cahmana tireore —ni yuhtiha paina puhto.

65 ã ni yuhti tuhsu, cãaina tina mehne macaina Jesure chahcho puti sihõ mija, to caparire duhte ducata, tireore cãã, dota mujaha. Cãã tuhsu õ sehe ni bujupaha:

—¿Noa jijari m̄hure dotaro? Ñ̄erapaihta yahuga s̄are —ni b̄j̄upeha tina.

Ti ã cjã dotari baharo p̄htoro yaina surara sehe tirore na wahcã, tina c̄h̄ tirore ti wamomacari mehne ñ̄ano cjã namoha.

*“Tirore masieraja”, niha Pedro Jesure
(Mt 26.69-75; Lc 22.56-62; Jn 18.15-18, 25-29)*

⁶⁶ ã yoa w̄h̄ cahai jiri wapai noari wapai Pedro to jich̄ sacerdotea bui p̄htoro cahamacono wihaha. ⁶⁷ Ticoro Pedro to sohmach̄ ñ̄no tiro dihtare ñ̄rucuha.

—Nazare macariro mehne, Jesu mehne m̄h̄ c̄h̄ jihre —niha ticoro Pedrore.

⁶⁸ To ã nich̄ t̄horo tiro ã sehe niha:

—¿Dohse nimacanocaco nijari m̄h̄? M̄ nirirore ne masieraja ȳh̄ —niha Pedro ticorore.

To ã niri baharo Pedro sahr̄no sopaca macari mahap̄ wahaha. Tóí to ducuch̄ caraca duha.

⁶⁹ Tóí to jich̄ ñ̄no cahamacono sehe ticoro cahap̄ ducuinare yahurocaha tjoa.

—Ahr̄iro c̄h̄ Jesu buheina mehne macariro jira —niha ticoro.

⁷⁰ To ã nich̄ t̄horo Pedro pari turi ã sehe niha tjoa:

—Tirore masieraja ȳh̄ —niha tjoa.

Baharo curero tóí ducuína Pedrore ã sehe niha:

—Potocã tjira. M̄h̄ Galilea macariro jira. ã jic̄ tina mehne macarirota jira m̄h̄ —niha tina tirore.

⁷¹ Ti ã nich̄ t̄horo tiro ã sehe ni ȳhtiha:

—Potocãta Cohamac̄ mehne nii nija m̄sare. Potocãta ȳ nierach̄ Cohamac̄ ȳh̄re buhiri

dahrejaro. Tirore masa nirirore ne masieraja yahu —ni yuhtiha Pedro tinare.

⁷² To ã nichuta caraca duha tjoa. To ã ducha tuhoro Jesu tirore to nirire wacũha: “Caraca puu taha to duhto pano mahu yuhure ‘Jesure masieraja’, niihca mahu. Tia taha ã niihca mahu”, Jesu to nirire wacũha Pedro sehe. To ã nirire wacũno, tuaro tiirucuha Pedro.

15

Pilato Jesure sinituha

(Mt 27.1-2, 11-14; Lc 23.1-5; Jn 18.28-38)

¹ Æ yoa bohrearopu sacerdotea puhto, bucuna, sã judio masare buheina, jipihtina paina puhto mehne cahmachu, durucuha Jesure ti yoahire masia taa. Tirore ti wajãhtore durucu cahno tuhsu, Jesure duhte, na wahcã, Pilatore waha tirore. ² Tirore ti na su wachu ñuno Pilato tirore õ sehe ni sinituha Jesure:

—¿Potocãta judio masa ti puhtoro tjijari mahu? — ni sinitu ñuha tiro Jesure.

—Ãja. Mu nino seheta tirota jija —ni yuhtiha Jesu.

³ Æ yoa sacerdotea puhto payu ni yahusãha tirore. ⁴ Ti ã ni yahusãchu tuhoro Pilato tirore õ sehe ni sinituha tjoa:

—Ahrina mahure payu yahusãa nina. ¿Ti ã yahusãpachuta dohse yoacu ne yuhtierajari mahu tinare? —niha tiro.

⁵ To ã nipachuta Jesu ne pari turi yuhti namoeraha. Æ jiro Pilato cuua wahaha.

Jesure wajã dutiha

(Mt 27.15-31; Lc 23.13-25; Jn 18.38-19.16)

6 Cuhmaripe pascuaripe masa yairo cjihtore cãiro peresup_u jirirore, masa ti wio dutirirore Pilato ã wiobasa m_ujaa tiha. 7 Tí pjare Barrabá wama tirore peresup_u jiha. Tiro puhtoare cohã duaina, masare wajãina mehne macariro jiha. 8 ã jia masa pay_u Pilato cahap_u s_ua, tirore õ sehe ni siniha:

—Cuhmaripe sãre m_u yoarucuriro seheta yoaga sãre. Cãiro peresup_u jirirore sãre wiobasaga — niha tina.

9 Ti ã nich_uta Pilato tinare õ sehe ni sinitu ñ_uha: —¿Ahriro Jesure m_usa judio masa puhtoro_{re} y_u wiobasach_u cahmajari m_usa? —ni sinitu ñ_uha masare Jesure wio duaro.

10 Jesure masa ti cahĩch_u ñ_uha sacerdotea puhtoa cãh_u tirore ñ_u tuhtiha. ã ñ_u tuhtia tirore waha Pilator_ure. ã jiro masa ti cahĩri buhiri sacerdotea puhtoa ti ñ_u tuhtirire ti peresu yoa dutich_u masino Jesure wio duamaha Pilato. 11 To ã wio duapach_uta sacerdotea puhtoa masare Jesu mehne suach_u yoaha. Õ sehe ni dutiha tinare: “Jesu wijaach_u cahmaeraja. Barrabá sehere wioga”, ni dutiha masare. 12 ã jiro Pilatore Barrabáre ti wio dutiri baharo Pilato sehe tinare õ sehe ni sinituha tjoa:

—¿Ahriro judio masa ti puhtoro m_usa niriro sehere dohse yoaihcar_i y_uh_u m_usa ã nich_u? —ni sinituha tiro.

13 —Crusap_u cjã puha wajãga tirore —ni sañurucuha masa.

14 —¿Yaba barore ñaare yoari ahriro m_usa ã ni sañurucuch_u? —ni sinitu namoha tinare.

To ã nich_u tãhoa tina sañurucu namoha tjoa:

—Crusap_u cjã puha wajãga tirore —ni sañurucuha tina.

¹⁵ Ti ã ni sañurucuch_u t_uhoro Pilato sehe masare wahchech_u yoa duaro Barrabáre peresup_u jirirore wio dutiha masa ti wio dutirirore. Tirore to wio dutiri baharo, Jesu sehere ñano tjanaye dutiha. Tirore ti tjanayeri baharo, tirore surarare wiaha, crusap_u cjã puha wajã dutiro.

¹⁶ ã yoa surara Pilato ya w_uh_u puhichap_u pretorio wama tiri w_uh_u puhichap_u tirore na sãa s_uha. Na sãa s_u tuhs_u, tina mehne macaina surarare pjiroca, cãnoi cahmachu dutiha. ¹⁷ Cahmachu tuhs_u, tina p_uhtoro ya suhtiro yoaro sehe bajuri suhtirore Jesure sãa, pota sorore yoa, tí sorore to dapu bui duhu payoha. ¹⁸ ã yoa tuhs_u õ sehe ni b_uj_upeha tina tirore:

—Noano tagã. Judio masa p_uhtoro noano tagã —ni b_uj_upeha.

¹⁹ ã niata yuc_uc_u mehne to dapure cjã m_uja, tirore chahcho puti sihõ m_ujaha tina. Tuhs_u, cua pisaro yoaina yoaro seheta tirore na tuhcuca caha s_u, ño payoro sehe yoaa, b_uj_upeha tirore. ²⁰ ã yoa b_uj_upe tuhs_u ti sãari suhtirore tjuwe naroca, to ya suhti sehere tirore sãa, tirore crusap_u cjã puha wajãa waha, naa wahaha tina.

*Tina Jesure crusap_u cjã puha, wajãha
(Mt 27.32-44; Lc 23.26-43; Jn 19.17-27)*

²¹ Jesure ti ã naano watoi, tói wahariro Simo Cirene macariro campop_u s_uriro, tina cahap_u to wihich_u ñ_ua surara sehe tirore Jesu to w_uari crusare w_ua wahcã dutiha. Alejandro, Rufo p_uaro p_uc_uro jiha Simo sehe.

²² Baharo, Gólgota wama tiropu Jesure na suha. Gólgota nino, “Dapu cohã”, nino nina. ²³ Tópu tirore ti na sari baharo, se core, mirra wama tidu co mehne ti morea core Jesure wamaha. Wiho mejeta tiro sehe tí core sihni duaeraha. ²⁴ Baharo tina Jesure crusapu cã puha dapoha. Cã puha dapo tuhsu, to sãa suhti cjirire ti basi cahma witia taa, “¿Noa yaro jirohcari õ?” ni masia taa, docapea poca mehne docape mujaha tina.

²⁵ Jesure crusapu ti cã puhachu tia hora waro duhsasiniha cohari pja to suhto. ²⁶ ã yoa crusapu õ sehe ni joari pjine duhu õha tina tirore ti yahusãire yahu duaa. “Ahriro judio masa bui puhtoro jiri jira”, ni joaha tina tí pjine. ²⁷ ã yoa puaro yaca bucuna Jesu cahai paye pjiripu crusaripu ti cã puha daporina jiha tina. Cãiro to potu buhusehei, paio to cõ buhusehei cã puha dapoha tina cãhure. ²⁸ [Ti ã yoachu panopu Cohamacu yare ti yahu joariro seheta ã waharo niha. Õ sehe ni joaa tiha: “ ‘Dutiare yuhducaina mehne macariro jira’, ni tuhoture masa tirore”, ni joaa tiha panopu.]

²⁹ ã yoa crusari cahai yuhdu wahcãina Jesure ñu, ti dapu pocare yureruca, tirore ñano ni durucuha:

—Noana. Noana. ¿Cohamacu wãhure cohã, tia dacho wahaboroi pari turi tí wãhure dahrehtiro jijari muhu? ³⁰ ã jiri jicu, mu basi dujiaga. ã jicu mu basi yoadohoga. ã jii yuhdu witiuhca muhu —ni bujupaha tina.

³¹ Ti yoaro seheta sacerdotea puhtoa cãhu sã judio masare buheina cãhu tirore ã ni bujupaha. ã ni bujupaha õ sehe niha ti basi:

—Tiro painare yǎhdoriro jiparota to basi yǎhdo masierara: ³² “Cristo, Cohamacu warocariro Israe masa pǎhtoro jija”, nimana tiro. ã jina to basi to duji tachu ñana tirore wacũ tuanahca —ni bujapeha tina.

ã yoa yaca bucuna tiro cahai ti cjã puha õrina cjiri cǎhu tó seheta tirore ñano ni bujapeha tina cǎhu.

Jesu yariaa wahaha

(Mt 27.45-56; Lc 23.44-49; Jn 19.28-30)

³³ ã yoa cohari pja jichu tia hora waro jipihtiropu nahitiano wahaha. ³⁴ To nahitia duhuchu waro Jesu tuaro sañurucuha:

—Eloi, Eloi, ¿lama sabactani? —niha tiro.

ã nino õ sehe nino niha. “Yu Cohamacu, yu Cohamacu, ¿dohseacu yuhure cohãri mahu?”, nino niha.

³⁵ To ã nichu tãhoa cãina tói ducuina õ sehe nimaha:

—Tuhoga musa. Cohamacu yare yahu mahtaritore Elia cjirore pjirocaro nina —nimaha tina.

³⁶ ã jiro cãiro tina mehne macariro wihmi nari suhtere vino suẽa core to sohari suhtere na maroca, yucacu sohtoapu dũhte õ, Jesure wihmi dutiha. ã wihmi dutiro, õ sehe nimaha:

—Depusinia. Elia cjiro wihi ahrirore to na bororo tachu ñasinijihna mari —nimaha tiro painare.

³⁷ To ã niri baharo Jesu sehe tuaro sañurucu, yariaa wahaha. ³⁸ To yariachuta Cohamacu wahu macari suhtiro tóre to jiri tahtia waropu ti ducataro suhtiro dacho macai bui sehe tuhnu bora ta, puã

cahsaro tũhnũroca yoja sũa wahaha. ³⁹ To ã yari-
achũ ñũno surara pũhtoro Jesu to wahãno potoi
ducuriro õ sehe niha:

—Potocã tjiri jimana. Ahriro Cohamacũ
macũnota jiri jira —niha tiro.

⁴⁰ ã yoa yoaropũ ducua numia cãhũ Jesure
ñũrocarucua niha. Tí numia mehne María Mag-
dalena jiha. Pacoro María wama tiricoro cãhũ
jiha. Ticoro sehe José, to bahũro Santiago ti
pocoro jiha. Pacoro Salomé jiha. ⁴¹ Tí numia Jesu
yahuare quihõno tũhoa numia jia, Galilea yahpai
to jisnichũ tirore piti ti, yoadohoa tiha. Tí numia
mehne payũ paye numia cãhũ Jerusalẽpũ Jesu to
sũho tarina numia jiha.

Jesu pjacũre masa copapũ cũha
(Mt 27.57-61; Lc 23.50-56; Jn 19.38-42)

⁴²⁻⁴³ ã yoa tí dacho to yariari dacho Sabado
pano judio masa sã sori nũmũ pano jiri dacho
jiha. ã yoa Pascua macaa cjihtire ti cahnoru dacho
jiha. Tí ñamiihta José Arimatea macariro cuiro
marieno Pilato cahapũ sũha Jesu pjacũre sinino
sũro. José judio masa sã pũhtoa mehne macariro,
pũhtoa ti cua pisaro ñũriro waro jiha. Tiro pũhtoro
Cohamacũ masare to sũho jihtore cohtaro niha.

⁴⁴ ã yoa José Pilatore to ã sinichũ tũhoro, tũho cũaa
wahaha Pilato sehe. “¿Jesu yaria tuhsũari?” ni
tũhoturo, cũaa wahaha. ã jiro surara pũhtorore
pjiroca õ sehe niha tirore:

—¿Potocãta Jesu yariaa wahari? —ni sinituha
tirore.

⁴⁵ To ã nichũ surara pũhtoro õ sehe ni yũhtiha:

—Ãja. Yariaa wahahre —niha.

To ã nichu tuhoro, Pilato Jesu pjacure wa dutiha Josere. ⁴⁶ To ã wa dutiri baharo José noari suhtirore nuchubasaha. Nuchubasa tuhsu, Jesu pjacu cjirore na boro, suhtiro mehne wahma, masa copapu tâcai ti sahari copapu to pjacure siõ sãa payoha. Siõ sãa payo tuhsu, tí copa cahai jiria tâcare pjiria tâcare tju turẽ wahcã, tí copare biha dapoha. ⁴⁷ María Magdalena, ã jichu María José pocoro Jesure ti na sãa duhu payorirore ñaha.

16

Jesu masa wijaaha

(Mt 28.1-10; Lc 24.1-12; Jn 20.1-10)

¹ ã yoa Sabado dacho yuhduri baharo, sũ sãari baharo, María Magdalena, Salomé, ã jichu María Santiago pocoro, tina tiaro numia wisõa me sitia core nuchaha Jesu pjacure wisõa taa. ² ã jia domingo bohrea mûja tachu Jesure ti duhu payori copapu ñaha wahaha tina. ³ Tí copa cahapu waharucua, õ sehe niha tina ti basi:

—¿Tí copare bihari tâcare noa marine pjõobasarohcari na? —niha tí numia ti basi.

⁴ Baharo tí copa cahapu sua, tí copare bihari tâcare, pjiria tâcare ti nawe cûriare ñaha tina.

⁵ ã ñaha tí copapu sãa wahaha. Tópu sua, cãiro wahmanore ti poto bahusehei dujirirore, yehseri suhtiro sãarirore ñaha, cãaa wahaha tina. ⁶ Ti ã cãachu ñano, tiro sehe õ sehe niha tí numiare:

—Yuhure ñu cãaena tjiga. Jesu Nazare macariro, crusapu ti cjã puha wajãriro cjirore mûsa macana nimana. Wiho mejeta tiro sehe masa wijaa tuhsuhre. Õre mariaha. Tirore ti duhu payoro

cjirore ñuḡa. ⁷ “Tiro mḡsa pano Galileapḡ waha-
yahuhto jiyuhti. Tói to niriro seheta mḡsa tirore
ñuhtina jiyuhti”, ni yahuna wahaga to buheinare,
Pedro cūhure —ni yahu dutiha wahmḡno tí numi-
are.

⁸ To ã nichḡ tḡhoa tina cui, tetera, masa copa
cahai jirina mḡrocaa wahaha. Æ cuia painare
yahueraha.

Jesu María Magdalenare bajuaha
(Jn 20.11-18)

⁹ [Æ yoa Jesu sehe domingo ñamicunucã to masa
wijaari baharo, María Magdalenare to siete watia
to cohānohricorore tiro bajua mḡhtaha. ¹⁰ Jesu
mehne macaina cjiri sehe to yariachḡ ñuḡa, tuaro
cahya, tiia niha. Æ ti tiiro watoi, María Magdalena
sehe Jesure to ñurire tinare yahuro sḡmaha.
¹¹ “Jesu catihre. Ñuhi yḡhḡ”, ni yahumaha ticoro.
To ã ni yahupachḡta, tina sehe ticorore ne tḡho
duaeraha.

Jesu to buheinare bajuaha
(Lc 24.13-35)

¹² Baharo pḡaro tina mehne macaina masa
marienopḡ ti tinichḡ Jesu soro bajuriro tina
cūhure bajuaha tjoa. ¹³ To ã bajuachḡ ñuḡa tina
tjua waha, paina Jesu yainare tíre yahuha. Ti ã ni
yahupachḡta tina cūhure tḡho duaeraha.

Jesu to yare buhe dutiro warocaha to buheinare
(Mt 28.16-20; Lc 24.36-49; Jn 20.19-23)

¹⁴ Baharo to buheina oncere mesa cahapḡ ti
chḡ dujiro wato, tinare bajuaha tjoa Jesu. Tirore
ñurinare ti yahuchḡ ti tḡho duaerari buhiri, tirore

ti noano wacũ tuaerari buhirire masino, tiro tuhtiha tinare. ¹⁵ ã tuhti tuhsũ, tinare õ sehe niha:
 –Ahri yahpa jipihtiropũre ahri yũ ya quitu noaa buheare jipihtina ahri dacho macainare noano yahu site pahõona wahaga. ¹⁶ Yũhũre wacũ tuainare ti bautisarinare pichacapũ wahaborinare yũhdorohca Cohamacũ. Tuhsũ, yũhũre wacũ tuaeraina Cohamacũ to buhiri dahrehtina pichacapũ wahahtina jiahca. ¹⁷ ã jia yũhũre wacũ tuaina yũ tuaa mehne õ sehe yoaaahca: Yũ tuaa mehne, yũ wama mehne watĩare cohã wioahca. Tuhsũ, wahmaa dũserire durucuahca. ¹⁸ ã yoa agãare ti ñahachũ, jipihtia ñima dohse jia ñimare ti sihnichũ, tinare ne purĩsi. ã yoa dohatiina bui ti wamomacarine ti ña payochũ tina noaina wahaahca –ni yahuha Jesu to buheinare.

Jesu mũanopũ mũjaa wahaha
(Lc 24.50-53)

¹⁹ ã ni yahu tuhsũ mari pũhtoro Jesu mũanopũ mũjaa wahaha. Tórpũ sũro Cohamacũ poto bũhũsehei dujiha tiro mehne pũhtoro jiro. ²⁰ ã jia tina jipihtiropũ noaa buheare Cohamacũ masare to yũhdũchũ yoahti buheare buhea wahaha. Ti ã buhechũ mari pũhtoro tinare yoadohoha. To tuaa mehne yoa ño masichũ yoaha tinare, masare to ya buheare tũho dutiro. Tó puro tjira.]

Cohamacu Yare Yahari Tjuel New Testament in Guanano

copyright © 2007 Wycliffe Bible Translators, Inc.

Language: Guanano

Translation by: Wycliffe Bible Translators, Inc.

Copyright Information

© 2007, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guanano

© 2007, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 21 Feb 2024 from source files
dated 29 Jan 2022
1f3a4366-edba-553b-a17f-bc47c9049c98